

晚晴移詩匯

晚晴移詩匯卷一百八十二目錄

周紹昌 十二首

李祖年 四首

陶邵學 六首

徐樹昌 二首

郭傳昌 九首

李剛已 四首

歐陽述 四首

王孝偁 三首

錢旭東 二首

李諧 二首

許受衡 二首

吳緯炳 一首

胡思敬 九首

康有爲 四首

袁緒欽 二首

李景祥 一首

沈同芳 二首

胡璧城 四首

錢明訓 二首

吳昌綬 三十五首

曾對顏 二首

趙金鑑 十七首

劉毓盤

四首

王佩箴

三首

李稷勳

十四首

宗室壽富

八首

劉景熙

二首

范軾

九首

黃壽袞

三首

劉富槐

五首

彭紹宗

五首

黃文開

三首

陳士廉

六首

施景舜

二首

陳毅

十首

王鴻斌

十一首

汪康年

二首

何震彝

十二首

嚴復

二十四首

周蕃

二首

周曾錦

四首

朱聯沅

四首

李遜

一首

閔孫爽

三首

晚晴蓼詩匯卷一百八十二

徐世昌

周紹昌字霖叔靈川人光緒甲午進士改庶吉士歷官

大理院推丞

詩話霖叔才思敏贍千言立就散館分刑部彈劾識
牘同曹推重歸安沈子惇司寇被命修訂法律設館
延才霖叔與武進董授經康龍南許璣樓受衡汾陽
王志龢式通同館十年研摩席間會作橋西紀事詩
四十首蓋館在象房橋西也辛亥後蒿目憂傷嬰疴
累歲恆竟夕不寐以吟詠自遣落葉詩用上下平韻
三十首爲其絕筆今錄十二首

和鄭齋同年落葉詩

高柯交戛萬年枝舞榭荒涼九曲池滿地月痕人去後一
天秋色雁來時辭根蓬轉真無奈候管葭吹會有期惆悵
御溝流不盡題殘鳳紙費才思

構難羣陰慘不舒起元貞下定何如天心晦昧成豐蔀人意推排到剝廬班馬蕭蕭聲始爾征鴻渺渺目愁余瑤階鷓鴣鳴何急可以長楊奏賦初

寶玦珊瑚委路隅延秋門上白頭烏已無刻楮傳神削空有題詩擊唾壺宛轉儘歌桃李子飄飄難著鳳凰雛歸巢倦羽棲初定市樹驚飛歷亂呼

飄茵墮溷復沾泥比似寒花命亦齊蹤跡偶同風聚散音聲莫辨省東西鴟張遠勢凌鴉背狼籍餘痕襯馬蹄百六運窮元會改病株仍望及春蕓

一角紅牆鎖綠春沈沈鈴索悄無人良時容易流年換斜日徘徊顧景頻曾逐游絲橫礙路生憐弱草上棲塵恆河沙數量金粟持向如來問夙因

談笑麾戈駐夕曛，朱旗獵獵閃重雲。
不知團雪憑誰主，先遣凌霜到此君。
落實取材供翦刈，析薪佐爨許支分。
淡濃半抹胭脂色，雕飾全輸錦繡紋。

篆香煙裊鳴鑪溫，伏枕黃昏深閉門。
歸去王孫應有怨，思來公子又何言。
差池燕羽空中影，解脫蟲絲吐後痕。
莫讀蘭成枯樹賦，江潭悽愴那堪論。

蓬瀛久輟列仙班，時見烏朝數往還。
銷寂潛虬熬嫩水，澗漉凍雀紇千山。
流黃度曲填金縷，擣素織愁寄玉關。
不是甘泉烽火近，有人心折大刀環。

絃柱初調錦瑟年，生桑又見海成田。
也知一刻難賒夜，其奈羣飛竟刺天。
五百揀花人早罷，三千掃雪事虛傳。
羽林散後宮車出，太乙門東急暮蟬。

菱枝弱不耐風波每唱清歌喚奈何汲井輓轡牽玉虎生
街荆棘沒銅駝陽春惠澤忘應久傲日前盟負己多夜夢
鈞天張廣樂五雲樓閣鬱嵯峨

閒庭露溼候蟲鳴世態炎涼話不平別院掃妝簪白柰新
宮高宴錫朱櫻羣兒掇拾爭矜貴息壤丁甯訂誓盟桑下
本無三宿戀壺中仙歷自長生

虬戶葳蕤永晝扃上林朱果尙芳馨誰吹暖律溫寒谷忽
涌涼波接洞庭瞻鹿民狂音不擇翦鴉天醉問無靈偶從
凝碧池頭過急管繁絃忍再聽

李祖年字措臣武進人光緒甲午進士改庶吉士授文

登知縣歷官汾州知府

詩話指臣天性孝友作吏有聲工書畫精鑒賞兼通
醫學時以吟詠自遣與吳江詩人金松岑費韋齋相

和唱

甲子正月十九日韋齋用松岑險韻詩見貽步韻作

答

我似桃源人久已忘秦漢曝簷齧菜根深禁作煩蒜

見高士傳

感時時一吟不忌烏臺案鳴鶴久在林棄薪難供爨偶作
朋樽招新舊雨各半狂來恣塗抹狼籍似畫墁坐中多豪
英詩城作楨幹鬪韻費與金搏獅氣尤悍干將與莫邪不
知幾辟灌勇夫或再厲怯者顏已汗醜效西施顰精愧稽
康鍛敢詡步後塵聊供君一擷

是日綺石老人養疴不至倚枕繪王瓜蘆蕈以誌昔

日春明游讌之樂爲題其後

聞君病起卻臙脚苦憶園蔬齒頰香解熱不須憑絳雪擁

衾自寫養生方

冬畦預養佐春盤應共唐花一例看自幸此身非熱客轉
嫌斯味太清寒

韋齋得靈璧奇石於沈氏耦園置夢墨亭卅道人賦
詩張之余亦繼作

剔薜捫蘿訪舊殷壺中新駐一房雲玲瓏良岳眞形在憂
擊鳴球繞指聞徒宅娜嬛依福地尉關花藥度微熏仇池
合是詩人物佻巧鳴鳩浪策勛君得此石時有
人欲據以爲功

陶邵學字子政又字子源番禺人光緒甲午進士官內

閣中書有頤巢類彙

詩話頤巢雄於文詞少與陳慶生朱跋惠友互相切
劇世謂朱爲文廉峭而陶意度冲遠從容起節起粵
東近代文學之衰者自二人始頤巢尤工七言詩
多促狹危厲之音嘗作妖鳥篇刺世言更法者

鞠坡精舍探梅致跂惠

朝聞百鳥鳴相呼春風幾日來庭除閉門病客一事無強
起尋花破羈孤城北十畝開精廬野塘石磴相縈紆入門
一笑迴清矚青枝紅萼千萬株繁英亂蕊密復疏橫斜偃
蹇各有態墮落荒寒誰與娛我來手把青珊瑚天風習習
吹五銖羅袂無聲侵玉膚綽約嫵娟仙藐姑餐霞吸露清
而姝無言獨立意有餘令我綺念無由除一朝宿痼如亡
道憶昔看花與子俱錦茵醉倒還相扶賦詩綵筆追吳歛
越才蜀雋聯襟裾五年坐惜風煙徂故人流落天一隅今
來對花意踟躕恨無玉笋相斟酌安得千里郵君書扁舟
歸來沾玉壺春風喚起花魂蘇莫遣煙雨堆寒蕪

秋夜讀蘇文忠集

一燈微熒照孤檠坐倚陳編發高詠平生顛倒爲公詩冷
玉寒泉秀相映憶昔眞仁符道泰相從京洛風流盛好士
朝逢六一賢奇才老識宮中聖豈意宸謨一朝變天啟譏
人干國柄名成高眾亦何益用已得時嗟未竟世事蒼茫
難可料紛華百戰猶能勝至今一字如瓊瑰當時片語傷
機筭流謫蠻荒賒一死歷將艱阨試豪橫歌儕同谷意猶
放表謝韓公語無佞十年塵劫掃空華萬里江山助清覽
磨礪或者天有意忠審直爲神所敬百回不厭整襟讀再
拜敢持輕語評詩成月落星斗稀門外寒蟲不堪聽

院中多蛇時復入室作驅蛇行

百年灌木荒江宅巾地蓬麻少行迹門外千崖積石高中
有虺蛇長挂壁朝來入室驚始見驅嚇兒童愁婉變小蛇

撲殺三四餘大蛇奔竄猶睚眦我今寄食走窮谷常恐失
身爲汝狙人言此物足姦詭伺影聞聲巧莫比過首容身
吾未能草動風搖爾何喜妻孥愛我勸我還我笑不顧心
悵然丈夫一舉動寥廓騎龍刺兇當攀天縱無三尺追漢
祖笏擊猶期孔道輔掃除姦兇淨六合么麼豈足污礎斧
深山自是多魑魅道路仍聞足豺虎手中利劍思一鳴天
上威弧會須怒蛇乎蛇乎當遠去草間竊活吾羞汝明日
九關誅猘兪

水亭夜望

野氣日沈夕清光照獨游螢專草閣夜燾王野棠秋殘月
猶明水疏星欲倚樓蒼茫雲壑外何處隱靈蚪

妖鳥篇

明倫彙編 詩教典 一百一十二
五
有鳥生炎海飛鳴歷中洲似鵬形不祥况乃惡聲如鴝鵒
朝鳴但聒耳暮鳴增人憂霜凝日落百草死更聞此鳥鳴
啾啾縱橫四野間歷亂呼其儔嗟汝身雖微厲欲凌九州
老鶴知時寒低飛尙垂頭汝獨聲呀呀妄語叢慙尤道傍
蒼鷹秋始習一擊不中爲爾羞居然聲氣徹聞苑造作百
怪無時休百鳥奔春陽汝獨凜凜催窮秋成形受氣安可
化汝誰有口不自由周公誅妖鳥遺教不可求千年遺孽
死不盡坐令日月慘黧天地爲悲愁我欲請王母天網忽
下收東海求鳳凰西山鸞鷲鳴相酬偷然六合間眾聲和
且稠此鳥聞之大恨死餘者驚竄一日卷舌盡入喉

孤雲

一片孤雲出岫微空中藹藹惜餘輝九原可作吾誰與萬

事相看昨已非家擅雕龍新學貴市無屠狗故人稀年來
世態堪驚絕豈獨平生歎志違

徐樹昌字壽臣平湖人光緒甲午進士官戶部主事有
對竹居士詩草

戊戌歲杪感懷

三更敲枕不成夢爆竹聲中春已回此後年華消魯酒從
前詩卷付秦灰雲龍北闕看人去霧豹南山許我來薄薄
田園幸無恙愁懷聊對燭花開

郭傳昌字子治侯官人光緒甲午進士官工部主事改
博羅知縣有惜齋詩集

舟中望羅浮

上不見到惠州下不見到廣州

二語
粵諺

彼何山哉羅與浮吾

聞羅浮之山古稱第七洞天三十一福地葛洪於此神仙
求神仙羽化衣亦化洞中胡蝶盈千頭又聞趙師雄天寒
日暮山中留淡裝素服見彼美化身果是梅精不二山合
離風雨會四百餘峯奇景難具搜通人畸士絕罕至大蘇
以外空千秋吾今忝爲羅浮長此福諒自前生修不然浮
沈宦海歲十稔敢望名山境內爲諸侯山中梅花正透發
可惜怱怱未暇開心眸忽如山靈招手語今者不樂逝者
休簿書兀兀事鞅掌物外那得閒身抽吾狂掉頭固弗信
一官未必如纍囚平生足跡半天下豈其茲山咫尺慳教
游但靳從公黽勉政多暇四方無事民無偷就難竟著謝
公屐亦宜輕舛占城兜摩崖大書勒文字往來毋作名山
羞

晨往惠州

卅里趨程兼晨征爲避炎草花明錦繡竹露灑帷幃
渡水行沙背穿山見塔尖人家城闕外日影乍平檐

歸塗雨甚憩茅亭

似爲林垌好天教莫便還風狂能撼樹雲走欲移山茶話
人三兩茅茨屋一間村翁吾羨汝看雨得真閒

白沙

林表大旗懸飄飄拂遠天人家全繞市官渡各停船江水
依山折沙隄抱岸圓羅陽城近見直下路如弦

小南海

隨喜到祇林何年始布金西來初地占東去大江深山靜
宜禪悅雲慈見佛心游人渾不解合掌拜觀音

龍華道院題壁

天氣陰晴變秋生冷暝間疏星穿竹見急雨上牆斑報賽
人初散催租吏未還小門叉手立簿領暫寬閒

重九次柏塘

不待約登高山行僕馬勞撥雲尋絕磴隨日下平阜旅次
犬迎吠鄰舂雞亂號食新逢歲稔無意更題糕

發石壩往派尾

日色不下地山光一稜雲濛濛松頂霧撼撼蔗田風客路
黃塵裏人家綠樹中村民如見詫行李幾倥偬

放言

山不能摩九天水不能沒九淵山高水深不見爾但見浮
空波浪隨雲煙人生又在雲煙波浪裏天地置此胡爲焉

我思天地亦遊戲點綴光景耽新鮮不然黃土搏人可長
在何用勞生息死時推遷旁人聽者謂我顛子不知我安
知顛安知天地有時盡安知十有二萬年安知今日是何
日我且顛顛放倒眠

李剛已字剛已南宮人光緒甲午進士官大同知縣有

遺集

詩話剛已爲蓮池書院高才生詩爲吳鞏甫范肯堂
所激賞中邁世變學業未竟其志才命殆似唐李賀
宋王令詩亦雅
與二家相近

立秋呈范先生

仰陪夫子下階吟嗚咽嗚蟬向我瘖半月假城動涼色一
風入木作秋音星雲高燦還相媚霧雨橫淒忽見侵應有
列仙在空闊徘徊不下暝煙深

上范先生兼簡子城兄

花香能醉枝頭蝶，蝶亦繞枝不忍飛。
有鳥嗁呼下空闊，向花深處戀晴暉。
六街風動沙塵徧，念爾鮮衣歸不歸。

辟置以詩送別卽次原韻答之

湘鄉太傅軻雄儔，筆力橫挽三千秋。
吾師繼之道益大，如開滄海朝羣流。
羅珠網玉不知數，我瓦礫耳猶相收束。
髮受書今十載足，疲路遠無時休。
扶搖羊角未能上，飛搶還作榆枋游。
天寒歲晚林木死，風煙慘淡交龍虬。
淒絕曾張舊游處，白日一跌歸冥幽。
孤寒八百淪草莽，大帙三萬開窮愁。
孰料紛拏燕雀際，鸞章鳳質驚雙眸。
吐氣剛如斷馬劍，論文高似元龍樓。
諸公誰司薦達事，蘋藻可以爲神飴。
昨來苦語更牽挽，歸期已決焉能留。
事變眞難巧，厯算出

處或作山靈羞侯王將相亦人耳空有餘資如山邱

思歸

汾水秋風雁又歸故園東望夢魂飛塵冠欲挂仍無日庭
樹新增復幾圍水遠坐輪鷗獨往竹荒不救鳳長饑愁來
策馬西郊路一曲勞歌送落暉

歐陽述字伯纘號笠儕彭澤人光緒甲午舉人歷官江

蘇侯補道有浩山詩集

詩話笠儕蚤慧幼在河南七歲能詩十歲輒著獨酌樓詩草大河南北稱爲神童少嗜黃仲則詩中年絕推厲樊榭游日本時東人求詩者無虛日所作水族博物館一首最爲吳鞏甫所稱賞

送煦庵兄至朱仙歸途偶成

歸路馬蹏熟夕陽蟬語忙秋心動寥闊別恨滿青蒼沙起
村墟失天低草樹長孤蹤休感喟青眼有垂楊

守風杜關塘登岸望月

蓬底飯初罷小步湖風前夕照入已盡夜氣來無邊四山
靜同夢遠水寒生煙漁燈點遙岸光與疏星連稍時月東
上檣影皆西偏清光似憐客故駐匡廬巔此際綠楊城二
分人共妍以我佇望勞知彼心旌懸宵景足淒感況復別
恨牽徘徊永不寐風露涼垂肩遠渚螢火沒淺莎蟲語聯
歸舟意悄然石瀨流涓涓

署樓夜起

開簾拂面水風腥葉墮空林帶雨聽半夜雞聲暗似柝遙
天魚眼大如星下方營夢人都蟻滄海隨波我亦萍擬學
羲熙陶靖節還愁醉眼有時醒

水族博物館

日人新學重格致館名博物靡不陳水族一館尤詭異移
取龍宮蛟窟來人塵海濱闢場築複室崇垣周護開洞門
人門陰溼但水氣客行水底同鮫人硤砒怪石四圍立玻
瓈深嵌光磷磷壁空貯水復貯氣天光斜射明纖鱗人魚
戴頭走戢戢文鱗鼓翼飛振振龜瞪六眸鰻九節鱷長三
丈船千斤鱸紅鯉赤鯽金色鰓白螟黑螭青文鮓鰕嶷嶷
鱸鱣觸虎蛟策策鯨鯢奔蝦鬣支筇鱗擁劍蚌殼掛席蚶
迴輪山蠓結屋若瑤島石蛙吐華如錦茵車渠揮扇螺抱
甕明鰓翻手蝸搖脣修廬圓螭各娟妙菁螭瑋瑋何輪困
此外河伯小吏海若臣元衣督郵青郎君翠鱗黃甲難具
狀奇情詭態尤紛紜中間一室閒甕牖內懸巨畫畫有神
隔鏡可望不可卽但見水底璇宮貝闕浮氤氳天吳蝸蠓

呼欲出土肉石華高可捫紫蘿披拂帶芝乳錦砂燦爛鋪
金銀珊瑚蟠磴樹連理琪花綴壁英續紛深處青紅絢光
怪水玉草石無由分相傳北島有奇士探幽親入蓬萊根
歸摹所見作斯幅獻之天府藏爲珍願懸此館佐參究萬
邦觀者稱歎頻吁嗟人巧奪造化直從奧府窮涯津牛渚
無煩犀角照淮南何必玩脂焚自教靈怪見白晝任人狎
視無敢噴我思禹鼎象魑魅但圖其形逸其身今人格物
務精至刻劃未免傷真醇我言雖迂理則茂海狝拜舞如
有聞出門目眩愁直視霞烘海色初黃昏

王孝偁字芍莊會稽人光緒甲午舉人官莊河同知

詩話芍莊幼慧於章教之讀過目成誦既長工文成
成會試不第時京師通藝學堂首開風氣英才畢集
主其事者爲海鹽張菊生元濟汾陽王志盒式通志
盒與芍莊同族知其負異稟勸之往學所詣過儕儷

精曉人術好治金石之學書
法隋碑嗜書畫詩不多作

郊游雜詠

東望扶桑氣欲吞
幾人思痛蓄煩冤
且除滄海橫流感
來試層樓酒一樽

碧草青燐憶舊無
霎時宿莽化康衢
劇憐夜夜秋墳泣
紀

變誰爲鬼董狐

盤門新市舊皆墟墓

三島仙人絳色襦
綠陰深處屐聲麤
分明飛閣通波地
添續東瀛仕女圖

錢旭東字震初號幼溪慶陽人
光緒甲午舉人官平番
教諭有辨香齋詩草

春陰

春風翦翦送春寒
殘雪初融尚未乾
欲雨不能晴不得
雲

陰應爲養花難

李諧謨字備六冀州人光緒甲午舉人

松風用黃山谷武昌松風閣韻

僧房一簇荒村前古壁蒼黑經百年老僧沽酒觴羣賢俄
爾耳邊聲沸天渾如峻嶺飛百泉跳澗赴壑爭潺湲又疑
廣樂張仙筵嗷嘈萬管喧千絃不則雙峽束長川激崖咽
石波怒旋出視綠陰低屋椽驚颺激柯搖碧煙巢鳥驚怖
宵不眠嗟我僻壤長繫孿惟見楊絲桃李妍今到此間頗
適然巖壑風景眉前懸願歸我廬攜青氈長伴老僧飯齋
餽奚事布襪青行纏顛蹶千里尋林泉

兩松階旁各魁然昔時所植今百年偉幹轟空柯倒懸濃
陰蔽日雲壓椽依樹穩坐苔爲氈長風送響驚鶴眠枝颯

葉搖頽綠煙洪濤鬱怒翻長川戛金擊石鳴絲絃噉嘈繁
聲湊華筵十年茅屋長拘攣倦趾有如修綆纏未曾健步
遨林泉今睹此景雄且妍願尋萬本栽庭前壤培泉沃塲
師賢遠陰幕地高撐天空中時作溪潺湲探勝賞奇飢忘
饑日攜琴酒長盤旋

許受衡字璣樓龍南人光緒乙未進士刑部主事歷官

大理院少卿

詩話璣樓生三歲而孤賴母教成立九歲工對能
爲五七律詩讀書心細不忽一字既長師事同縣黃
海帆受陽明之學通籍官刑部精究法律受知於沈
子淳司寇辛亥後感懷身世志在著書有清史刑法
志

丁酉元旦口占

瞥眼光陰卅六年春風送我到幽燕宦途冷淡身如寄客

思迷離夢未圓北地鶯花嫌太晚南朝煙柳憶從前料知
念遠書應達每爲循陔一惘然

送楊昫谷比部理刑熱河

鄂博依南極朝廷重北門鎮邊資富范決獄訪申轅驛路
秋心肅官儀漢室尊旗亭漫回首車馬正雲屯

吳緯炳字經才錢塘人光緒乙未進士改庶吉士授編
修歷官御史

詩話經才督學甘肅以力開風氣爲己任居諫垣
疏請議淮顧黃王三儒從祀究心入法詩不輕作

題銅官感舊圖

開府精誠首誓師髯參才調善扶危一從雞犬皆仙後重
話龍蛇起陸時馮異名高尊大樹仲文意盡惜枯枝相公
造命傳疑信李廣難封歎數奇

胡思敬字漱唐號退廬江西新昌人光緒乙未進士改

庶吉士歷官廣東道監察御史有退廬集

詩話漱唐居諫垣兩年餘草數十上以言不見用乞歸隱居講學居京師時積書數屋盡攜歸築問影樓於東湖之濱藏之因假爲圖書館就刻豫章叢書百餘種表章先哲遺著甚力詩多激楚之響神鋒不掩如見其人

送江杏村還蒲田

江郎鬢髮垂垂白一伏青蒲便挂冠大道黃塵馳羽蓋長
門秋雨賦齊紈酒邊罵坐鬚如磔夢裏朝天涕亦寒欲補
諫書成野史墨池餘瀋起波瀾

歸臥柴桑種秫田東華回首淚潸然九烏未落驚弓墮一
鷓鴣孤飛愧瓦全遺獻待尋蹄髮集朗吟遙盼浣花箋他時
幸踐還山約遲汝同烹第六泉

江亭小集

輦下文章日寥寂孤亭兀坐一軒眉春陰醞醞尋茶夢宿
草茫茫入酒悲欲障濁塵風又起乍聆清嘒日將移眼中
百雉岩巒甚曾陷危城聽鼓鼙

清明出郭訪袁忠愍崇煥墓

行行路何紆黯黯春將暮老鴉銜紙錢挂在梧桐樹十畝
荒園徑丈碑云是勝朝都督墓都督來敵膽怖手挽強弓
身短袴八千健兒塞下募召對平臺中使趨寵以貂裘勞
以醮一朝謠詠起五城塞黃霧大道橫尸不敢收妻孥盡
室投邊戍瀋陽鐵騎堅如山設間陷君君勿悟巖巖龍井
關誰實縱之度慷慨勤王師千里來相赴自壞長城快敵
嘗九州一錯真難鑄地下孤魂不可招闕宮疑有神呵護

珠孃窈窕來上墳沽酒脫裙香滿路亂世生才疑不祥蛾
眉愈好人愈妒君不見遼師一潰關門開經略煩冤向誰
訴頭顱裹血行九邊尙坐汪楊代行賂

寄秦按察

樹聲
滇中

詞客南遷雁未來百年懷抱向誰開遙瞻爨旂行師地頗
惜承明著作才三策平邊官身節一言聳聽失烏臺水曹
詩事誰能說回首觚稜有百哀

別謝文節公祠

鬼星犯座斗柄移海風吹折枯桑枝翻山倒海地軸裂六
鼇并力孱難支丈夫屹立未可懼剝復相代會有時吾鄉
宋末有二老不以節見誰則知謝公無官亦無祿並無一
旅隨奔馳敵軍開門受降表大江南北無立錐聘書到門

以死拒竊願上比古伯夷仲尼尊周守臣分宜於革命多
恕詞三百篇終錄商頌未敢濫及采薇詩首陽餓死志未
白不遇公等當告誰太公蒙面誅妲己應立微子而臣之
馬前數語寓史法左右敢以兵甲施大義凜凜在萬世公
急起與相扶持當公變名學賣卜混跡豈屑同子皮麻衣
大哭建陽市一琴一硯常相隨硯則毀矣琴則碎銅駝卧
棘秋生悲幽燕古俗尙奇節廟食於此僉曰宜我欲從公
卜死所公其鑒我示我龜驪駒在戶不忍別願薦蘭芷招
湘纍憫忠相去不咫尺恨未一讀曹娥碑

湖上遲魏大未至見寄

萬種傷心事傷心祇在心解人惟見汝避祿早歸林但倚
書爲命甯愁突不黔他年徵野史應向魯溪尋

細數南州彥誰居第一流吾儕姑自勉碩果聽天留未息
巴人訟方懷漆室憂足音終寂寂垂涕望高邱

晦若臨別貽箋有僥倖不死冀得再見之辭因賦長
句奉慰

昔賢憂亂惟祈死身死猶存耿耿心今日天將留碩果吾
儕禍不到東林信陵醇酒餘孤憤杜甫麻鞋託苦吟他日
南歸作流寓崑山猶可託知音

康有爲原名祖詒字長素一字廣廈號更生南海人光
緒乙未進士官工部主事有萬木草堂叢書

詩話更生有異稟博極羣書少時曾游朱九江之門
勇於述作以力開風氣自任講學授徒聲名甚盛梁
節菴贈以詩有九流哀哀誰真派萬木森森一草堂
之句戊戌後周應歐美各國八十餘年其詩多言域
外古蹟核詭可喜

君士但丁有遺殿戶牖尙存屹然高十丈其製摩色
金盤甚麗多其遺製吾曾購得之

君士但丁帝雄姿不可方丹青有遺殿戶牖半頽牆三國
歸靈統東都闕喬皇金盤摩色麗摩撫起蒼涼

那釐利在錫蘭山顛六千尺開大原有湖多花不暑
風景佳絕當爲南洋諸島最勝處

楞伽絕頂六千尺晷畫明湖翠壁開繁柳繁花漏園路不
寒不暑好樓臺

印音呼錫
蘭爲楞伽

錫蘭再訪佛跡數處其塔殿最莊嚴者皆千年物非
佛跡也自晏那拉積布拉外楞伽真跡近在歐林
布二十里者迦利膩圓塔頗大周廊二百柱天已
暮然鐙擲花佛前塔前有菩提樹僧摘葉相贈

圓塔嵯峨迦利膩周廊繞徧摘菩提此是楞伽說心處道
場悄悄佛鐙淒

耶路薩冷觀猶太人哭所羅門城壁男婦百數日午
憑城淚下如糜誠萬國所無也惟有教有識故感
人深遠吾念故國輒爲愴然賦凡百一韻

崇壁巖屹屹圍山上摩天巨石大盈丈瑩滑工何妍築者
所羅門於今三千年城下聚男婦號哭聲咽闐日午有數
人曲卷肩駢連憑壁立而嘔涕淚湧如泉慘氣上九霄悲
聲下九淵始疑沿具文拭淚知誠懸電氣互傳載真哀發
中宣一人向隅泣不樂滿堂緣借問猶太亡事遠難哀憐
萬國有興廢遺民同銜冤譬如父母喪痛深限年旬豈有
遠古朝臨哭旦夕酸羅馬後起強第度揚其鞭雖殺五十

萬流血染城闔當時嚴上帝清廟金碧鮮我來瞻遺殿華
嚴猶目前珍寶移羅馬痛心亦難諉正當吾漢時渺茫何
足云吾國二千載亡國破京頻劉石亂中華洛陽慘風雲
侯景圍臺城一切文物焚耶律繫重貴雅樂遂不聞暨至
宋徽欽汴京虜君民豈無思古情頗感騷人魂或作懷古
詩亦傳哀弔文未有憑城哭至誠遠野人婦嬰同灑淚千
載慟遺民吾跡徧萬國奇駭何感因答言祖摩西奉天創
業勤艱苦出埃及轉徙紅海濱帝降西奈山特眷吾家春
十二以色列奄有佐頓川大闢所羅門兩王尤殊勳拓邊
大馬色築廟耶路顛武功與文德焜耀紅海濶餘波躍耶
回大地徧遵循人種我最貴天孫我最親豈意滅亡後蹂
躪最慘辛羅馬與薩遜蹈藉久紛紜英暴當中世俄虐今

尙繁遺種入百萬飄蕩大地魂有家而無國處處逐辱艱
被虐誰爲護蒙冤誰爲伸傳言上帝愛我呼彼充瑣窮途
無控訴憑城號吾先言罷又再嘯四壁嘵益喧哀哀不忍
聞吾亦爲垂漣亡國人皆恨惟汝有教賢他國不知愁同
化久忘筌汝誠文明民文明成障愆區區此遺黎艱苦抱
守堅雖然猶太教今猶立世間吾游墨西哥文字皆不傳
英哲與圖器泯滅咸無存讀學皆班文性俗忘祖孫豈比
汝猶太能哭尙知原哀哀念遠祖仁孝無比援他日買故
國獨立可復完先眺必後笑物理固循環吾哀猶太人吾
回覲中原四萬萬靈胄神明自羲軒唐虞啟大父禹湯文
武聯孔聖寔文王制作大禮尊聖哲妙心靈圖器文史篇
後生坐受之枕菲忘其源如胎育佳兒如釀蘊良醇我形

胡自來我動胡自遷我識與我神明覺胡爲元喜怒胡自
起哀樂胡所偏我詠歌舞蹈我飲食文言一一英哲人化
我同周旋忘之我坐忘悟之大覺圓一往情與深思古吾
翩翩莊周夢化蝶吾寔化國魂若其國竟殤哀慟不知端
凡亡非我亡畸士託古詮吾未免爲人多情猶爲牽吾爲
有國故身家頻棄捐哭弟哀友生柴市埋冤雲哭墓已不
獲先骸掘三墳十死亡海外讒侮百險煎受詔久無功纏
身萬苦難十載逋亡人拂逆痛心肝我本澹蕩人方外樂
談玄胡事預人國誤爲不忍纏今旣荷擔之重遠難釋肩
地獄我甘入爲救生民難受苦固所甘忍之復忍焉久忍
終難受去去將舍旃浩蕩諸天游歡喜作散仙天外不能
出大地不能捐國籍不能去六鑿不能穿猶是中國人臨

睨舊鄉園，眴眴涕被席。耿耿傷我神，願告愛國者。猶太是

何人

袁緒欽字叔興，長沙人。光緒乙未進士，官戶部主事。

詩話：叔興工駢文、詩詞。少日單寒，郭筠仙侍郎實煥成之。久客諸侯，才名甚著。迺籍後亦有聲。郎署。

題銅官感舊圖

伊昔道咸交，盜弄潢池甲。咆哮震宇縣，剽忽肆攻劫。呼嘯過城邑，千里聯臂脅。烽鼙慘雲外，旌竿見危業。白晝妖氛躡，洶濤勢崩壓。間井哀窮嫠，道左泣逃妾。黯澹天塵昏，淒颯運騷屑。曾侯初視師，戎幕亂軍謀。轅門縱殺氣，火焚鷹隼獵。高眠清江濱，立待背鬼捷。餘腥蔽驚瀨，風利呼長鬣。白水指盟誓，黃泥污巾袷。摧鋒蹈洪波，忠肝鬱勁鐵。蓋臣天所扶，蛟龍敢吞嚙。章公秉大義，援溺振風烈。遂令奮神

韜總干裂雙睫雷霆盪氛穽繁霜埽叢葉始稽鯨鯢戮終
見鮫鱷懼東南卒底定戡暴資控攝時平厯三紀川國靡
舟楫陂溲葭葦深波鏡磨新匣魚鹽饒物利華屋駢城堞
峩峩冠蓋交珪組盈筭篋豈憶神武略屢揮軍中箠元勛
今不存遺徽曜青牒乘流尋舊壘浮雲威孤峽

懷書衡

碧雞詞賦動春明回首觚棱尙有情

君與麓門及余同出都

稷下不

逢秦博士洛中平視漢公卿歸舟日暮津門樹別酒天高
海上城今夜西風愁望遠萬山重疊亂雲橫

李景祥字書雲鄞縣人光緒乙未進士歷官義州知州

有愛日廬詩鈔

孤松

向陽花木並含滋
蟠鬱空留歲暮姿
小草託根欣得所
風霜獨受有誰知

沈同芳原名志賢字幼卿號越石一號蠡隱武進人光

緒甲午進士改庶吉士授唐縣知縣賜編修銜

詩話越石幼孤賴母教成立乙未入詞館乞假歸娶
萃投贈之作爲鸞簫集官唐縣宋人以養親歸入大
府幕爲章奏數千言倉卒立就少時
曾自刻萬物坎累室駢文詩無定藁

宣統己酉與西林少保同游濟南明湖登北極閣感

題

朝簪容易野冠難
多少英雄因此閒
一笑扁舟春向晚
明湖應似五湖寬

明詔屢從天上降
謗書未息禁中聞
願瞻北極無窮意
應有湖龍起暮雲

胡璧城字夔文涇縣人光緒丁酉舉人京師大學師範

館畢業授中書科中書

詩話夔女性冲澹與世無競詩初宗韓子孟後學宋人尤致力於放翁五十後手定知困齋詩彙力刪中年諸作書法安吳而有魏齊風骨得萬毫齊力之秘晚年喜作小畫用筆出新安孤峭深冷不多著墨自具

神風

贈新安黃樸臣質歌

樸臣用筆如用鐵刀架颯颯秋風哀千壑萬壑落眼底眞氣盤鬱孤雲開吾家江南有老屋青山四壁森爲排草樹搖落石骨瘦陰寒逼礎生莓苔十年潦倒不歸去僕僕打帽堆黃埃君家亦在黃山下雲氣出入庭陰隈坐對谿山置筆硯定知眞稟非凡胎讀君此畫三歎息便欲長歌歸去來

淮上懷古

帶刀入市久成風袴褶兒曹氣不同左顧聲接通海上北
來形勢壯山東驕兵溷水塵行密情將符離敗魏公南宋
晚唐多少事離離都在暮煙中

一自飛龍出鳳陽山川豐沛故人鄉九門燕市都重奠十
廟雞鳴草漸荒漆室淒涼高帝冢朱門搖落大功坊到來
四鎮成何事落日疏林滿建康

王叔明維揚送別圖卷子爲伯謙文賦

豈惟無忌似牢之雅奉鷗波作本師朗朗鬚眉亭上客寥
寥煙水畫中詩風飄別袂黏花雨帆入春江買柳絲持與
大癡圖本較富春聲價並當時

錢明訓字心垞號浣碧嘉善人光緒丁酉舉人歷官天

津海關道

詩話心培篤雅溫文善爲體尤長倚聲少爲諸侯
客贊使三韓筮仕畿輔治事縝密以粟典樵未一年
遽歿不竟厥施中年嘗喪偶有句云從此寒衣鐵綫
迹都從慈母手中過語平而情至在韓時有正綺詞
一卷綿麗諸婉出入靜志
浮眉兩家惜其橐已佚

上巳節府公謙和潤沅學使韻呈貴陽尙書

清淺蓬萊見已三
摩天凝望隔層嵐
扶馮歷歷辰依北
鞮寄雍雍鼓奏南
渤海關山原壯闊
芳林風月尙清酣
留犁徑路衣裳會
豈爲聽鵬載斗柑

公堂春酒共呼三
得歲聲高樂意含
長願甘泉集神爵
早聞員嶠獻冰蠶
竄瀛共仰交鄰樂
曹掾同分說士甘
況有上池功德水
盡躋民物進錢聊

吳昌綬字伯宛一字甘遜號印臣晚號松鄰仁和人光

緒丁酉舉人內閣中書有松鄰遺集

詩話伯宛讀書貫串精目錄金石之學詩詞箋奏涉筆皆工少時隨宦僑吳爲黃子壽方伯所奇賞泊居京師以食字自給未嘗一干要津辛亥後究心掌故仿談孺木國權議例輯成四考重修顧祠躬親其事刻松鄰叢書宋元明詞十六家墨說歿後葬西山大覺寺塔院遺著次第刊行婦陳女蕊圓適海甯陳氏並姍詞翰

莫君楚生以吾家繡谷老人藥園詩彙見示用族祖

甌亭翁於京師重獲瓶花齋舊藏丁卯集得長律

三首韻酬之

副墨分貽祕笈中寄廬還往近城東

莫君藏書處日銅井寄廬

新知投

分初傾蓋舊學傳家愧紹弓異代星霜耆宿盡名山風雨

夢魂通倚花亭子聯吟地把卷低徊讀未終

武林吳氏號詩藪亭子倚

花號繡谷雅集當時多勝流聯吟邇日向耆宿魏柳洲之琇向也兵後故居盡燬羣從凋零收藏遂不可問矣

雲煙過眼劇堪憐東閣曩游感逝川故物漫搜元氏譜輕

裝未返米家船

丁酉北行有書數千卷留歸安吳布政所布政歿爲一殘客牘竊殆盡中多舊帙歎

恨不

重經兵火摧殘劫

今歲北事起存都門者未及載歸所失亦不少緬想官私

簿錄年

方輯瓶花齋經進書目及藏書記未竟

借與一甌勤護惜更從翰墨

訂深緣

掇拾叢殘慰寂寥短檠無寐倚寒宵亡書積歲猶心戀煮

字長年笑腹枵夢裏奇編搜宛委畫中別業負漁樵結鄰

幸復追皮陸詩事同尋臨頓橋

莫君居南顯子巷僕居丁香巷皆在臨頓橋南皮雙

美陸魯望聯吟地也

今歲得元初劉京叔歸潛志寫本自敘著書之時年

三十二經涉憂患記憶見聞所居堂曰歸潛因以

名書僕行年正與相同遭時多故亦有歸潛之志

遺編觸手悵然動懷漫書長句以當跋尾

北庭耆獻近銷沈天假才人著作林離亂年華嗟逝水叢
殘文字抵兼金遺民故國空憑弔野史荒亭共賞音浪說
歸潛歸未得短檠披卷泣紅蟬

吾家墓廬在杭州艮山門外皋亭山麓地有甘墩邨
亦曰甘遜阮文達官浙時詩嘗數稱之舊饒果園
春時桃花尤勝賤子幼隨羈宦遠違鄉井昨歲乞
缶廬翁篆甘遜居額以勝寓齋頃復屬苦羸爲作
畫扇侑以二絕藉當券約

繞郭家山望渺漫煩君爲我寫林巒苦思偕隱無多志青
鬢歸來二等官

寒村曾入阮公詩丙舍松楸寄夢思自笑本非肥遯客十

年塵土悔衣緇

今歲輯錄宋元人遺詞頗有奇遇詩以紀之

瓣香歲歲禮姜仙著錄真教締古緣廿卷花菴搜舊本一枝梅信拾遺篇南詞懷麓沈寃久東澤清江贖稟傳生際
虞山臨桂後居然眼福勝前賢

得漚尹吳中書偶成轉韻二百八十字寄答并懷大

鶴

菊酒花饀作重九故人書來笑開口江湖浩蕩羨漚翁泉石支離懷鶴叟漚鶴相逢各啟顏長安念我太清孱新聲廉豎尊前淚舊隱皋亭畫裏山家山遠隔青霞外何日扁舟趁花海綺閣紅梅小市橋卜鄰佳約應相待霜落園林憶聽楓雨餘門徑識樵風吹笙坐月低雙髻踏葉尋秋瘦

一筇幔亭仙眷都無恙更託微波溯惆悵越客空令結網
絲吳娃枉自留弓繙廿載侵尋重惘然別時衣袂去時筵
記從燕市槐花裏夢到橫塘兩槳船風光掩冉成拋擲每
爲佳辰憶疇昔瓊漿縱復飲藍橋金勒愁看經紫陌曾倚
殘春哭袞師龐家靈照絕嬌癡篝鐙戲寫嬉飛帖點筆工
警播諾詞鳳城賃舍西華近獨撫危絃屬淒引病榻攤書
旅卽家朝衫貰酒官仍隱誰寄金泥小字緘歸心和雁落
江南憑將木石腸干轉當作秋窗一夜談

和藝風見寄原韻

離羣一雁墮雲邊瞥眼千花過劫前杯酒生涯澆趙土鬢
華消息夢吳天漏痕補屋幕新體流潦妨車拾斷篇愁苦
慣經還失笑吾家先有道元牋

和藝風上巳新園作韻

林園曠郊野修途帶郭郭中車獨還往冠蓋謝束縛鬚眉
入疏古有睟容渥若高懷此澹岩微生愧搖落請歌招隱
篇吾亦專一壑

春陽布嬰和薜蔚成清游長謠夏仲御乘興王子猷問字
燭見跋睹酒花爭籌翩來雲中龍睠彼海上漚兼懷
暹卹還景
載欣矚飛翔懷靈邱

示茗理

廿年辜負春游興因懶成疏亦自嗟落落幾人相伴侶垂
垂雙鬢送韶華吟吟只辨扶頭酒斷夢難尋稱意花紅粉
青山懷舊句所思渺矣各天涯

贈伯肩

京國幾回別風塵萬里心
舊游隨世杳新夢入秋深
疏雨清尊共繁霜元鬢侵
契情煙墨外點筆助遙吟

張詩船先生與潘功甫舍人詩簡以酒和墨作書式
之裝册屬題謹次其韻多用原詩本事

溫和老去詩格新鬚眉近古肝
鬲醇長瓶大甕遠難致有
酒二斗原不貧分霑賓友苦
未給閉關獨飲全其神猶餘
杯瀝潤枯管短牋題贈連牆
人鳳池後起特英妙逍遙客
與詩爲鄰城南新夏恣幽討
雜花歸路飄車茵慈仁願祠
盛槩敦雙松畫本留勝因朝
衫笑解亦易事要憑麴蘖回
青春百年文物盡凋謝衣冠
盪作京華塵酒邊散帙一吟
諷如見先生來岸巾

師鄭舉瓶社以四月二十七日爲松禪先師作九十

生辰招同人集江亭感此奉呈

秋風桂影偶婆娑似水門庭一再過說罷程文問知舊朝
衣未卸淚痕多

三峯一笑我無緣櫻筍香廚四月天自是傷春工病累年
年容易誤吳船

曩居吳中屢約諸師未果

金爵觚棱往事哀玉陽史筆亦蒿萊孤亭落照銜荒堞垂
白門生掩袂來

三十華年使節遙鏡中鸞儂太無憀春風詞事俄周甲紅
淚調鉛剩未消

昌綬收得宛鄰詞選有先師朱筆題唐鏡一詞以寓房幃之感此詞未知曾編入遺

棄否

戊午歲除沅叔集同人爲祭書之會賦詩記之

祭詩自慰肝膈苦祭書非侈儲藏多校讐歲徧六百卷丹

鉛鄭重逾吟哦主人政餘特閒雅家庖仍約朋僚過膠州
老史推祭酒汾陽詩事勤蒐羅宋元明本日挂眼舊游鄧
董同書魔後來諸子各英妙能通流別工訂訛病夫吳船
倦殘夢箋題小令重摩抄歸車衝寒兀羸馬凍筆手把空
卮呵側聞林亭擅幽勝鄰環寶祕殊行窩明年此夕續高
會倚鐙爲補藏園歌

鞏伯樵文待詔袁安卧雪圖沈盒先生依原卷錄本
傳於後戲作一詩

洛陽積雪盈丈餘令君按行未掃除慮僦尺度厖今弱辜
較不外黍與膚六花飛盪大銀海何緣鑿空尋窮廬似聞
世界最末劫依然亞夏嬌相扶邵公擁衾太孤寂或昵枕
臂懷中姝孝廉一夢到公輔前人快意今人吁我讀黟俞

癸巳稟秀書笑歎儒迂愚汝南先賢周黨筆何迺徇俗工
描摹恤人寒餓不干世節概自足矜吾徒蔚宗刊削具史
識後來注補多繁蕪流傳丹青作事實是非身後將毋誣
衡翁小筆偶寫意北樓髣髴成新圖松枝流淅疏竹折短
籬石徑交縈紆吾門安得長者車健兒擁篲爲前驅病來
未雪已噤痺獨羨睡態饒豐腴同時標韻顧與廚四世五
公眾所諛掩關僵卧亦常事生平恨不逢建初京華冠蓋
雜蕉悴眼中老矣誰詢濡靈飛妙楷珍尙書箋人似解衣
得珠摩挲一卷消永夜題贈跑躑慚何如

有人述南中時論謂洛陽近出魏代元氏志皆吾輩
偽造忽蒙盛譽驚喜愈望小詩紀之

無窮碑版出清新諛墓真堪值萬緡久共氈裘成氣習老

夫元是北朝人

松鄰竹侶偶忘形雅質元談有典型幽夜儻逢元處士新
宮爲續少霞銘

借問南來庾子山文章契誼定相關目空唐宋成前輩倒
挽狂瀾八代還

景穆諸孫絕可哀邛山抔土掩蒿萊荒亭補史吾鄉事日
造元家掌故來

壯夫自擅雕蟲技老學真能辨鶴聲市石察書皆不惡居
然紙貴洛陽城

或謂諸魏志是志龔與昌綬合作斯文未墜同調有
人敢詡齊名庶幾分謗再成四絕

風調琅邪迴絕塵連篇滿篋有清文手裁藁草親藏去百

衲碑成不易分

持正狂言妬樂天福昌一字博三嫌類來駐馬商前例文
價休從我輩廉

駢體文章沆瀣同修辭未讓昔賢工羚羊香象言詮外恨
少驚飛蛺蝶風

卽今誰擅書丹手茹筆先求古法難能令當前迷色相流
傳惡札到人間

題趙德鄰三篆字石刻

景貺簽書汝穎時字曰德鄰坡易之不上之里無言詩公
子湯秋以意知春月婉婉梅邊卮白藕花香幼婦辭盛年
文采相娛嬉名書元祐黨籍碑後來宦轍營洪馳監門防
禦使節持安定郡王世澤貽大宗正備藩邸儀侯鯖猶錄

鶯鶯詞聊復集今多闕遺洛中片石山之屢篆題三字倒
薤披何緣流轉來京師徐君得此詫絕奇謂我同好無備
傑輦昇老屋鉏荒茨寂寥千載邁會遲傳摹何惜雙隄塵
飛英振采光陸離展觀四座心神怡病夫噤瘁日自持此
特健藥逾葎耆方回舊跡淪劍池孤搨鄭重篋衍隨詞人
魂魄同寄斯綿邈遙結無窮思

爲莊思緘題秋窗述舊圖

病枕日曹騰耿吾念素交世變入茫昧憂患恆與遭出處
縱異致氣類無訾警衰顏十載還塊獨增煩勞春陽慘不
舒塵起風怒號撫卷同一喟淚血縱橫拋

少小食浮譽愚生本孤根規範仕學在緣起文章論驅飢
相勞苦積痰時過存駸駸歲月邁歷歷言笑溫有身戴履

中永懷師友恩求益寡所合電勉古義敦

莊王

志

我兄事各抱真性情方高鬱奇氣助悅追平生深

堂續旅夢夜語淹秋檠圖此蕭寂境間以竹石清一翁老
蒼筆三友歲寒盟存歿擬口號風雨荒雞鳴

藏園求佳尤見貽適志盒遣送綠菊病枕裁牋以答

嘉惠

層陰積霰味昏晨身境長安學餓民仍墜菊英供醉嗅還
催尤煎鎮眠呻碧山把臂原同調黃土司脾諒有神寂寞
城西幾交舊歲寒風義各相珍

慈仁顧祠落成賦呈諸公彙括先生詩意

行勝九陌記曾經含淚春花賦舊京往昔炊羹猶古寺祇
今戴盎幾狂生雙松磊砢全孤節四柿淒其弔女貞落日

城南容駐馬一廬近拓小窗明

曾對顏字鏡芙號少泉瓊山人光緒丁酉舉人有還讀我書室詩集

信陽何大復先生故里

詩人舊宅剩蒿蓬壇坫名傳七子中漫向高樓尋白雪才名終匹李崆峒

斷簡遺篇意自芳三生雅契重漁洋長吟明月風人句合燕先生一瓣香

趙金鑑字勁修宜陽人光緒丁酉拔貢歷官昭通鎮總兵有瓢滄詩藁

詩話勁修作令蜀中政聲卓著後從錫清弼制軍至滇以戰功擢授總戎在軍時所作詩有開雲出谷眾山低之句爲忌者所譖制軍知之深不爲所中詩多稱心而出問有鏡刻深至恢詭自喜者則山川之助

也

少年行

桃花駿馬驕且馳，意氣京洛游俠兒。
醉卧瓊樓枕玉臂，繡幕宵護紅燕支。
一夢斗覺陣雲壓，邊風颯颯捲鐵甲。
驚起斜睨牀頭劍，凜然寒光騰玉匣。
男兒骨相不封侯，走馬射虎南山頭。
不然東渡遼海開，玉帳草檄破賊邊塞上。

卽事

束帶迓上官，肅節汀之湄。
吏云有成例，不敢玩忽爲歎息。
古道溼氣節，日靡卑衣冠。
何偉岸折腰向小兒，緬懷古良宰。
豈有悅世姿，勤民盡職守。
不諳逢迎宜，而我何爲者。
中道苦棲遲，世局日迫隘。
已非黃農時，栖皇奚所求。
徒爲識者嗤，逝將投紱去。
煙雨卧穎箕，傲然睨世間。
君知我爲誰。

游青城山天師洞次伍廣文梅隱韻

暮色蒼然入遠煙，鐘聲飛渡大羅天。
電收滄海蛇歸袖，經讀空山虎侍筵。
採藥峯頭隨玉女，扶雲鶴背下丹仙。
詩成擲筆山魔走，又向洪崖笑拍肩。

夜半得卸灌縣信起而有作

夜半聲劓啄錦城，寄雙鯉云有賢宰來。
而我將去此歎無惠及民，素餐能不恥釋肩。
計有日撫衷，差自喜長嘯天風發。
朔飈捲玉壘，顧復近期年。嗒戀千赤子，
新官勝我賢。勿爲泣漣瀾，琴鶴慙治績。
離懷寄江水。

登灌縣城內金龜山

簿暇尋幽上翠屏，高飛塔影出林坰。
拏雲拳曲蚪松赤，礙路又牙虎石青。
萬竈炊煙開畫界，一灣番舶下漁汀。
鐵沈

千尺鎖雷雨不怕離堆噤氣醒

鐵眉自訟

倔強且學韓退之又有乖崖是我師
自信心肝原鑄鐵縱逢權貴不摧眉
鷓鴣枝儘可巢孤鳳鼠腐從他嚇野鴟
笑問官居何所事一琴一鶴一囊詩

七句早行

客路認依稀輕鞭趁曉暉
人如黃菊瘦霜壓鐵驄肥
殘夢隨雲續晨光帶樹飛
孤鴻警寒早涼意滿秋衣

軍行遇雨

鞭影蒼茫一閃開衝雲抉霓走龍媒
行人莫笑征鞍溼纔向銀河洗甲回

緬刀歌

金精銅液刃雪色寶刀鑄自緬甸國赤髮野人出塞獻歐
冶風胡目未識百鍊鋼化繞指柔脅血曾漬老蛟蚪電影
一閃沈雲裂國士手中三尺鐵

趙樾村觀察由蜀乞養回滇道老鴉灘枉顧話舊詩
以贈之

野沸羣龍戰雲開一鶴還羨公賦歸去衣綵舞班爛仙吏
今梅葛詞香古屈班西窗同翦燭夜雨話巴山
瘴霧侵邊暗驚灘撼地危萬方嗟一概四顧欲安之劍水
君將隱嵩雲我素期望塵慙不及日色遠山遲

老鴉灘新構屋成移居之

盤巖架碕構新屋峯角礙日石橫簇溪濤吟風斷復續時
有幽雲宿疏竹山人移住清不俗白晝安閒夜眠足手把

離騷且吟讀山鬼悄入吹鐙綠千年碧火笑鴉鵬夢魂時
逐蕉中鹿曉隨山猿戲山麓紅映山澗山果熟浩然長嘯
天風蹙從他蝸角鬪蠻觸

郊游

青青荷葉滿橫塘撲面風來蒲葦香橋折泥深行不得萬
山無語立斜陽

寒夜讀書

朔飈凍摧百卉枯有客危坐夜讀書幢幢一編寒鐙影混
茫遙接滄古初蠶僵娟縮夔蜃曲矮簷冰柱戛冷玉抗聲
金石歌黃農春意盎盎煦破屋足裂手戰不知寒寸抱炯
然千載看誰欺夷齊誰跼躄戰胸龍螭莽屈蟠丈夫生當
撐瘦骨彌天事業輕於髮夜深鐙地萬籟寂狂喝倒回天

邊月

有述

浩劫自圓缺嵩陽山開月照我石上心三生浣冰雪無端
掉狂雷小謫住蓬萊窮愁鍊髮骨風慘暮雨哀雨霽天色
詭帝命移海水掣鯨溟雲飛屠龍鼉背紫浪激斗維漂嶽
瀆簸驚颺山崩天柱折陰壑修羅驕法螺捲歸旆掉臂空
四大溪深野風清蕭然鳴古籟境閒日長天桃花洞門前
燒卻漁郎棹晞髮作散仙

春寒

溪畔碧桃手自栽幽居端爲避秦來春寒花與人俱懶紅
孕枝頭不肯開

同萬葆真游華山

胸中太華久盤摩此日欣同季野過直上懸崖三萬仞雲
端立腳看黃河

劉毓盤字子庚江山人光緒丁酉拔貢官陝西知縣有

濯絳宦詩

詩話子庚爲彥清大令子光緒己卯彥清攝嘉定縣
事暴卒於官子庚年甫十三讀書有夙慧長工詩賦
尤精倚聲晚游京師任大學教習以詞授徒其講義人皆寶之

太湖

寒雁不成字遠山將化煙大圓生腳底搖夢入秋天

別友

安能鬱鬱久居此抖擻緇塵白紵衫轉捩中流多涉險東
風雖好不張帆

喜晴

夢回聞鵲歡咄咄曦當晝缸外雲掃開積氣塞天漏譬諸
久病痊燥溼理相糾無田不爲災我獨得天厚此邦最低
下粉飾風俗厚游民一胡多棄土每八九所恐黃淮衝流
離徧衰幼蠲賑事兩難外肪中已朽救荒於旣荒鋌險繫
鹿走安能飢不食禍率起於口惟儉能支貧轉移一反手
使天而雨珠我得食諸否

茅山

飛花香過山去老樹聲作濤喧終日不聞世事此間卽是
桃源

王佩箴字敬銘南陽人光緒丁酉拔貢有編茗詩鈔

寄吳興劉翰怡

昔讀獨行傳范式陳平子兩人未謀面相期在生死今聞

嘉業堂南望翹雙趾謂是古之人近代甯有此談史薄子
元校書嗣中壘嵇呂思命駕老彭欣竊比朋友有神交何
嫌千萬里

殘山送夕陽閃爍少微星文章報故國耿耿守遺經珍此
不朽業名山發古馨側聞蘭臺彥編纂未殺青哀哉萬布
衣幕僚寄伶仃何如元裕之獨構野史亭

校書復何如秋高風掃蕪偽體重別裁峯蠹木搖落編摩
孝緒錄鉤考漁仲略古者官爲師私人無著作漢儒重家
法礮礮循繩削君家五原守申左疑鑄錯世界弛文網墨
莊鳳鳴鐸定有古先民羅拜天祿閣

李稷勳字伯柔一字伯子號姚琴秀山人光緒戊戌進
士改庶吉士授編修歷官郵傳部左參議有篋盒詩

錄

詩話伯菜爲湘綺弟子湘綺教人學詩臣舉東川伯菜不盡守師說七古喜學梅村五律學浣花比律多學玉谿間有似明七子者工辭體次名重於詩惜無定本

赴都

達人無陋慮志士多烈心
軒車騁高矚甯懷空谷音
皇涂邁屯險天禍杳幽深
四海沸波瀾三光翳若沈
伊川豈無歎越裳不可吟
迴風厲中野悲響颯神衿
明發念于役嘉候感鳴禽
寒煙啼春甸連嶠阻岷嶽
振衣奮遠步施置謝中林
媿乏荆璆美貞往事在今

歲晏行贈宋檢討育仁

元郊十月摧芳草黃埃千里行人
槁沙雁寒驚埃火明銀
蚪冷報天門曉天門九闔羅九衢
朱樓連闕黃金鋪明燭

高筵玉酥酪洞房煥火紅氍毹曾冰峨峨白日短城南宋
子今嵇阮錦裘珂馬喧朝貴獨抱蘭花惜歲晚晚歲空山
霜雪零素衣初點六街塵秋雨荔牆舊書侶煙花粉署新
詞臣吳縣尚書今卓犖日下高名滿臺閣孔融曾聞表異
才孫宏今見崇古學君懷明珠許高價賦成大禮萬人詫
金門未肯損愁心落木亭皋騁孤駕我昔橫經石室游秋
花漂落稀朋儔峨眉窈窕問琴閣龍威恍惚湘綺樓瀟湘
三載青波隔惆悵翻尋上京陌臥擁紅雲踏海煙來看鬱
鬱興王宅二月春寒花片片尹珍宅裏初相見青瑣重扃
催試題金盤豐俎申芳薦人生得失難具論毛翮摧鍛心
徒存塵沙滿地愁開眼朝衫新貴長安門青槐灑灑銅街
兩坐消白日愁羈旅單衣阜帽西風寒對人不敢傷心語

閒來坐我紅錦茵十年同舍論交新
洲上蘭蓀憶湘水壁間絲竹夢江津
江海風高雁聲澀軒轅臺上夜吹雪
銀鑰千門動曉寒蕩子無家空自泣
涕泣悲歌何意氣幽并結客多輕利
彈劍朝爲馬客吟脫裘夜醉胡姬市
朝朝夜夜感塵勞華年輕擲心鬱陶
爲君淒涼盡此曲明星晫晫東方高

趙堯生前輩還蜀過宜昌酒集東山草堂因出示林紓畫萬松深處卷子索題

三戩之雲同一族千松萬松雲
捲屬中有幽人獨往來占松一邱雲
一谷抱雲有似雞孚卵養松差比牛
舐犢雲自去來松偃蹇霜柯如鐵青
成幄人言松心比丹赤我愛松根不
拳曲百年冰霰閒經過礪柯合稱雪
王僕雪王一龕

杳天際歲寒薜荔三間屋夜驅蒼鼠伴蟬蝨晝刷茯苓狎
麋鹿偶然蹀躞玉珂塵興來盡發中祕錄金馬詠嘲臣朔
饑螫龍哦句髯翁跼誓鉏邪蒿保霜節仗下彈文萬口讀
戊庚以還天地閉荆棘刺天泥沒足慈仁孤柯泣風雨盤
山萬木畜樵牧年時蕭颯百不懽酒勞夢繞雲山麓林叟
天涯澹蕩人爲君拂煙寫寒綠化身千百陶然松翠鬣霜
皮紛在目幾疑四山無雜樹時有冷雲相追逐架巖一屋
不知年力屏萬囂得幽獨江山破碎何遽息世事瀾翻風
轉燭四郊戰壘長蓬藿江淮落葉涼風肅賃居難求陽羨
田山賊恣伐永嘉木况值梁益焦兵火故園已恐無松菊
獨攜此卷西陵泊相逢邀看東山竹展圖三歎心骨悲茲
事棄置等覆餗中夜敲牀索新句檢拾篇章賸歸舫明年

松根健夏涼知君飽噉峨眉菽乞分尋尺青玉蚪種向棊
軒卻煩潒歐陽文忠令夷陵時曾開置棊軒今不得
共遺址乞堯公書釣東山寺圍以存其蹟

過楊忠愍故宅

靈風飄怨雨躑躅城南隅燕市空芳草鈴山冷碧蕪霜鏡
鐘梵澀血疏石華枯忠愍殲分宜疏草
今并刊石置祠壁搖落永陵樹年年

叫野烏

長沙贈寄禪上人

西風雁滿灘霜意作新寒瑤瑟空堂寂湘皋蕙草殘星辰
曾昨夜鐙燭此憑欄世外尋幽隱相逢一解顏

寄公今惠遠一卧虎谿深黃葉堆詩卷白雲栖道心香龕
松樹底梵語柰花陰我法忘龍象翛然緩鶴吟

訪梁潔龕前輩於歲寒堂別後有作

江干踏黃葉問訊草堂
幽林樾空淒感風霜
正未休疎花饒晚色
香茵足離憂寂寞千
秋意相看對茗甌

怊悵十年別蕭條四海
心青山獨橫涕白日
屢沈陰舊夢新亭集
清歌漢上襟緘書勸
加飯風雨又秋深

丙申南歸渡洞庭作

天際嬋媛帝子靈君山
雲白竹煙青五更涼
雨沈秋雁一葉西風
下洞庭涕淚尊前孤
劍泣悲歌水上大魚
聽年來苦作傷心夢
愁向湘川夜夜醒

酒集江亭餞送于侍郎晦若

式枚

前輩出使德國

鷓鴣驚鳴萬瓦霜六街
斜月夜茫茫金尊移榻
臨花砌白裕邀車過葦
塘四海李膺名士長千
金陸賈使臣裝條支西
去波無極夢醒觚稜煙
水長

己酉元日感賦

去年今日早朝班天際旌旒萬國歡
長樂鼓鐘沈豹尾鼎湖弓劍渺龍髯
星明玉仗殘鐙炮露浥靈旗故殿寒
獨有瀛臺新草色東風猶得幾回看

陪高九舍人楷飲姜孝子祠

兩年惜別離亭酒一棹歡逢出峽船
今日何堪問朝事古祠重與訪巖泉
東坡云峽州有孝婦泉買園種竹君仍健
荷鋪移山我自憐爲語六街諸舊識
短檠寒榻尙依然

趙芷生提學投詩卽行次韻答和

朝事驚心累歎欻君胡掉首向巖扉
朝辭帝女過巫峽夜喚湘纍下秭歸
亂後江潭幾秋樹山中日月盡春暉
彝陵郭畔思恩語目極神州涕滿衣

晚泊青草湖

楊柳參差綠未齊，寒煙亂草上空隄。
黃陵廟下多叢竹，一夜哀蟬不住啼。

宗室壽富字伯芾，鄭獻親王九世孫。光緒戊戌進士，改

庶吉士，殉難。有伯芾詩存。

詩話：伯芾竹坡侍郎，下幼承世緒，勵學砥行。周知時務，觀世亂，漸亟爲書告宗人，當及時謀自立，語絕痛。甫入詞館，即遊拳亂，聯軍入京，師慷慨就義。時論深惜之。

廣化寺紅葉歌

青山作表樹作裏，霜葉滿溝不見底。
天公有意逞豪華，錦帳橫鋪四十里。
陰者嫩碧陽丹朱，杈枒翡翠交珊瑚。
斜陽萬點罨霜果，迷離一幅秋光圖。
春花雖好祇紅白，未若秋光備五色。
少年文字縱崢嶸，絢爛終需老境得。
庸人慕雅

兼畏勞平林游賞矜皮毛不入深山歷艱險好景豈復能
相遭從來佳景隱荒僻尤物天公亦愛惜非關奇險阻游
人不使凡夫浪著屐城中看山空崔巍入山愈深山愈佳
始悟人生快意事都自艱苦之中來

醉司命

寒空深碧星如沙轟天爆竹飛銀花黃錢卷風紙馬碎松
柏燒煙颺空翠香醪奠地前致詞請神痛醉神休辭臣之
醉神有深意恐神奏對多顧忌靈霄秉笏論人間好藉香
醪壯膽氣秣芻豆飼神馬糖堆盤水盈甗神之去兮白雲
隨天風颯颯飄靈旂沈沈更漏寒宵永兒童鐙下爭糖餅

陶然亭送方雨亭

家謝

康步崖

詠

綠暗紅稀春事闌江亭攜伴強尋歡壯心未似溪光冷病

骨難禁麥氣寒風景自佳愁裏度山河無恙醉中看休將
小集看容易別後應思此會難

送贊臣之山東

暮年傷離別爲無相見期我非暮年人胡爲心傷悲所悲
方壯年血氣先已衰形神日憔悴酬酢多支離四十已無
分安敢望期頤縱使幸不死時局方艱危前路雖茫茫結
局已可知生離是死別難爲分手時

相見恨太晚相交意卻深匪惟臭味同獨能知我心我性
本乖謬是古而非今雌黃騰口說當之輒難禁以此忤時
賢罪惡重邱岑毀謗日紛騰惟公鑑其忱引爲忘年交重
之若球琳豈似形無言公意同堅金此友豈易得奈何悵
分襟誓將報知己皓日實照臨勉勵歲寒節坐待霜雪侵

大風卷滄海蛟螭撼神州我非百歲人獨懷千古憂妖氛
山嶽高世道江河流人類閃風燭王室實綴旒昂首望青
天掩涕思前修締造仗軒昊經營勞孔周此道亙古今萬
物所共由一旦自我絕豈非壯士羞君今適東魯驅車邁
山邱路若經孔林爲我少淹留哭問墓中人可知今世不
蒼穹若有知此患何時瘳蒼穹若無知斯民何罪尤願微
在天福速生聖賢儔起佐我聖皇布政宣鴻猷但恐鬼無
鹽酣眠不肯休哀哉人道滅吾儕其壑溝

善勸過相規是謂古交道臨別而贈言實以期永好惟公
性忠厚今世如公少所恨少剛斷見欺於羣小春生而秋
殺天道實皎皎喜賞怒有刑王者師大造願公懍斯義佩
弦常自矯凡事貴決斷勿爲仁柔撓君子自當好好之如

珍寶小人自當惡惡之如殺草罰行始知恩此語非荒渺
雨多傷禾稼包荒長凶狡愛莠不忍鋤良田亦難保時艱
貴振作經營須及早仁者行嚴厲夫何傷急絃請思故人
言華嵩益分秒

笛聲盡情咽三疊曲已終楊花如白雪飄飄隨熏風分手
各無語熱血翻五中屈指平生交大半少始終豈其人涼
薄罪實在我躬掩涕送公去佇立心忡忡疏狂不自悛此
後誰相容獨處人世間哀哉吾道窮斜陽忽焉沒流水逝
以東痛哭返蓬戶淚漬襟袖紅

劉景熙字好愚一字浩如贛縣人光緒戊戌進士官江
蘇候補道有濃溪詩鈔

黃花巷新居

城市亦山林林陰一徑深長隄春草碧古堞暮煙沈窗北
羲皇卧懷西子美吟敢云居室善且寄寂寥心

樹外有青山當門百雉環短牆扶竹出虛牖納雲閒瓜長
藤爲壁萍浮鏡有斑鄰家尋老圃小話夕陽殷

范軾字亦坡號眉生黃陂人光緒戊戌進士授兵部主

事歷官撫州知府有秀蕪園集

詩話眉生與子熙壬同舉於鄉戊戌榜後分部乞郡
非其志也平生於詞章致力甚深其鄉人左芴卿觀
察稱其詩根據騷選出入於放翁遺山間以硬語強
韻步武昌黎古近體皆有獨到之處又云眉生才足
以副其學學足以昌其詩與文大抵
得於坡集者爲多足以傳後無疑

過巢湖賦呈萊山侍郎

兩山夾湖湖東腰一湖數郡吞南條積水環混失歸向緒
四百里何迢遙人言其中闕幽怪天陰往往移龍蛟孤城

卻在落日外積垣一綫棲叢蒿到此無風已心悸况當奇
熱蒸寒颯連晨鬱怒苦未洩馮夷弭節嚴撐敲朝曦乍露
銅鉦角旋傾墨瀋雲濼濼琉璃千頃忽破碎有意似放天
吳驕湖神跳舞山鬼泣萬竅翁闕聲悲吽此時迴船移近
岸舟人喧沸收蓬篙卻望湖水立嶮兀霜脊鼓動千鈞鼇
太虛倒入浸元氣始訝天柱非堅牢豈有軒轅張帝樂爛
設組帳吹笙璈魂翻眼暈坐添歎性命能幾輕鴻毛且倒
濁樽共一醉何以佐酒舉菱菱天寒月黑風緊格微雨浙
漉驅洪濤開帆三日竟偷渡有如鷹隼離韞條吳兒繞岸
笑拍手喜見使節懸征船紫髯先生信爽健要搜險快供
詩豪峽江閩海都閱徧眼前一勺同杯劫側聞北雁此故
道誰尸茲說桐城姚千年禹蹟茫莫辨古今箋注徒紛呶

揚州五湖列巨浸此水坐可分苴茅洞庭復矣不敢抗隱
與彭蠡相齧聲渦淝支委藉餘勢專制一面誇雄梟軒然
大波恣跌宕灌輸山谷江靈朝若眞宇宙無妨隘更愁橫
奪潯陽湖中泓數點石插脚上有塔柱干雲霄寺門晝閉
人影絕何時仙姥頻遊遨當年蠻觸鬪形勝後者苻謝前
孫曹藏舟投鞭等狡獪伏尸百萬餘腥臊山川寥闊不相
管荏澤最易滋逋逃羈人驚心理歸穢壯士遣興鳴寶刀
卽今潢池盪殘穢夜深那復篝狐哞國家恩澤浩無外居
民但解稱神堯井閭桑柘漸蘇甦共輸租賦安漁樵晴空
一槩打明鏡更呼射鴨鳴招朋僚人生憂樂互代謝誰堪百
慮窮煎熬咫尺變幻有天意好景莫放清秋高我慙腕弱
不能舉諸君大筆歌居巢

大冶鐵山歌

鐵山三千六百九嶽巖藏金自古有夜光燄咽流螢飛晝
景掀騰老蛟走鏐鑿鉞各異名千年黝色長崢嶸當其
頑礦闕精氣斗牛上區居民驚周官職重卅人掌鳧氏粟
氏紛徒黨三品定制劃龍龜九鼎窮姦賊翹颺黃金爲上
白金中爾鐵亦得齊銀銅牛腹鹽官雜漢識火羅貌糞開
唐蒙唐坑宋監留遺蹟都局元家罷工役占城不獻西天
烽高昌那致青鑰石衡嶽蜿蜒插天半天半寶光插雲漢
勢若萬馬奔平川一綫懸崖忽中斷大峰小峰爭錯落冶
城四面疑鏟削江流東去水錚鏦雲開遙見武昌郭傳聞
此地富珍儲英英雲氣時呵噓一自當年禁掘劔山靈守
護緘丹書地不愛寶汁流浦鐵花鐵樹露三五苗旺初驚

鳧雁翔茫寒微訝虹霓吐四夷賓服新政平千夫鎚鑿聲
丁丁不待揀沙游麗水居然插劍望豐城大府殷勤費討
講山民焉敢持鵝蚌礦師遠致碧眼胡火輪近試黃石港
十里五里官符催千勛萬勛載鐵回大別山頭架鑪輔朝
朝暮暮聲如雷鬼斧神工世罕見要使精金成百鍊爲銚
爲鎛待陶鎔詎祇商民稱利便噫吁嘻采金鑄幣始莊山
無金鐵亦紓時艱安得聚將九州一大錯點成金銀臺關
磊落常躋攀

秦嶺謁韓文公祠

唐網穢濁扇腥間隻手迴天未可云九死蠻荒無後悔一
生元氣在斯文淋漓大筆推原道衰朽殘年戀故君批蠹
不除千古恨英靈常峙嶺頭雲

武關

層關高踞萬山中，楚蹶羸顛角兩雄。
螺黛插天分向背，鴻溝劃地隔西東。
春寒不散蜂腰雪，日瘦難禁馬首風。
太息商於六百里，一朝割棄爲和戎。

商山四皓墓

在淮南小鎮路側

漢祖當年歌大風，誰知衽席伏兵戎。
蕭曹已老從龍業，絳灌惟餘走狗雄。
叱咤不驚神色外，鬚眉如接笑談中。
商顏依舊人千載，古木殘碑說殯宮。

高卧巖扃定幾秋，無端物色到留侯。
唐家机肉肥鸚鵡，晉室殘臍噬馬牛。
漫說壺關先入蜀，莫須周勃始安劉。
穀山老父傳書久，偉業何妨建白頭。

樊雲門觀察

增祥

新作廣後村十老詩二十首索和

病後柬謝兼呈芴卿同年

後村南宋詩中佼十老吟成闕工巧好句流傳七百年和
者雖多能者少樊山聲價吾楚寶翰墨蜚騰富文藻一官
暇日愛長哦騁興恣酣廣十老遊戲天倪窮萬方雕鏤物
態闢羣窈落筆往往雜莊諧寫生躍躍透毫秒遂令前賢
避三舍有似洞庭吸橫潦淮陰部將貴多多子雲絕技非
小小詞玷牛耳大如槃凡手不敢施獐狡噫嘻君才凌謝
鮑君治又且冠艷鎬渭南牧民如牧獮吠犬生菴馴雉擾
杜母循聲愜野譎吳公美政書上考詎惟宰郡若烹鮮矧
更鋤彊如捕蚤迴翔樞幙釐五戎元輔側席爭屣倒朝廷
新詔闢四門市駿千金苦未早淮陽漫許卧汲黯江左定
當起王導繡衣直指東方騶黃麻知誥北門草寇公晚入

政事堂敬輿昨擬興元詔六龍迴馭在斯須八柱擎天忻
再造整頓乾坤改舊觀收拾雷雨復清曉點竄三都兩京
驚潤色明堂王會橐要將最屬戴圭璿不屑蟲魚齧棗棗
念吾南風久不競江陵已歿江夏杳扶危莫傾及今茲勉
旃發憤攄懷抱龍蟠大澤鬱霆雹虎漱中原奮牙爪鷹麟
慘澹側愁胡鳳覽從容俯眾鳥經濟於君何有乎嗔詠徑
可立談了刮摩垢膩返虛明噓噏元氣蘇偏槁從此銀甲
洗天河一切腥羶共被澡能事固宜有不讓奚翅百鈞穿
魯縞嗟予晚遇未聞道郎舍浮沈鴛在阜時攬明鏡照衰
顏幾輩天衢騁驍裊南皮門下舊年少晨星散落參與昴
黃河東走瀉滄溟西嶽峻嶒跼雲表鑄成奇采吐光芒盪
出雄篇任揮掃邯鄲步拙那移情嫫媧效曠徒取惱巡檐

把卷闔且開倚壁偷聲酉到卯媿無寸莖撞鴻鐘斫樹收
龐笑公眇四方相與逐雲龍或倚寒郊欺瘦鳥太冲落落
吾黨豪定有錦囊似君好

楊花曲

紅日映窗春雨微階前款款楊花飛流鶯千樹坐相語江
北江南春不歸五陵年少媚春好朱顏擲向明鏡老金縷
歌殘玉樹空柘枝舞罷羅幃悄飄雲捲雨不自量長安女
兒踏春陽蘭膏墜髮輕蜂蝶石鯨飛泉送酒香綠煙金穗
暗相逐白蘋紅藻翠鱗覆莫向東風還蕩搖一生好傍龍
池宿

武昌寒谿訪陶桓公手植桂用少陵古柏行韻

團團月照西山石下有古桂高千尺參天黛色欺老松拔

地蒼柯傲貞柏幽崖晚綻金粟香密逕朝涵玉露白長留
人世閱興亡歷盡滄桑誰護惜陶公昔日鎮江東澄清江
表生英風坐踞胡牀發嘯詠行攜仙友娛晴空曉波近挹
樊口水疎林俯瞰吳王宮直與驚峰現法界疑躡蟾窟非
人功吁嗟人往名已重太息偏安謀不用百迴運甓費辛
勤兩翼冲霄誰縱送春華枉自集粵蜂秋實何曾餒丹鳳
祗餘過客任攀條遺植於今說隆棟

黃壽袞字補臣浙江山陰人光緒戊戌進士改庶吉士
授檢討歷官河南候補知府有夷門草莫宦草

七夕

山居旅宦驚重七薄雨新晴月上微人病秋來偏冷早天
低河隱欲星稀親朋骨肉官爲寄牛女恩情夢也非百歲

長宵渾似此挑燈洗足坐忘機

秋夜遇雨無月有懷林贊虞侍郎率占留別

憂時病逆旅況乃秋雨中寒鐙對孤帳
驀然思令公神采高發黃鶴翔雲空
俯視盡塵壙啾啾爭草蟲嫉俗與愛
國柄鑿難兩容救民出水火老臣有
愚忠今宵雖無月圓明會相逢
秋雨阻行客明朝趁晴風此去頻北望
馬首願早東

遣興

老屋三間水作鄰豆花香裏寄閒身
枝巔鳥立全忘險萍底魚游樂避人
隨意觀書僮貫檢無心得句客言神
有時小步莊溪外十里塘苗雨後新

劉富槐字農伯桐鄉人光緒壬寅舉人官內閣中書有

瓊園詩錄

白果鋪

幽景娛心目秋懷水一方亂峯鴉背雨紅葉馬蹏霜招隱
新茅屋尋詩古錦囊蠻山自堪愛未覺客程忙

彭水道中見紅葉

青松泣露丹楓笑錦樣巒岡蕩客愁遙憶故人當此日壺
尊爰史兩山游

讀金檜門總憲觀劇絕句

世間何者爲非戲鮑郭紛紛鬪同異曼衍魚龍一瞬間犁
軒幻術人驚睇憶從戊戌來京師舞場日涉評妍媸從知
北調盛絃索崑弋非復承平時重來已度昆明劫秦聲幽
咽聞鶉鳩流涕誰爲萬寶常商絃促數宮絃踏定風波與

念家山帝所鈞天去不還容易金仙辭漢闕湘娥哀怨落
人間治情忽便趨蛾綠靜婉腰支念奴曲選佛爭承天女
花審首一變高唐俗撫時回想百年前雜劇猶多正始傳
鞠部遷流人代改遺聞誰與話開天先生身世當全盛丁
歌甲舞聲容競朝迴卻作梨園游點綴俳優發嘲詠嗟余
羈寄如浮漚每聽急拍生牢愁傳奇愧乏東塘筆題句猶
堪作務頭

崇效寺木假山歌

枯根鬱律盤蛟虵之而怒茁森槎枒老僧題作假山看地
肺雕鏤人驚嗟城南古寺久未到雙楸入夢攢黃花竭來
重憩楸陰下鼠姑爛熳團朝霞煙巒突兀起庭側藤蘿冒
挂如龍擎云是楸根初出地闕鬱厚土千年遐或是劉總

手植樹閱世三十如風沙何年老幹化神物殘櫨留鎮梵
王家蟲穿蟻齧蝕不盡夜放光氣驚磨屢巉巖剔透豈人
力幼輿邱壑無等差廬山眞面豁雲靄仇池一路通褒斜
名流對此發嘯詠目想雲門存若邪雨零忽訝落懸瀑晝
靜時復聞頻伽帝京兩遭兵火劫古物燬奪餘癡痴旃檀
一炬佛滅度金源土瘞填礮礮茲根晚出有天幸壁經卻
免秦人煨富媪蘊珍不使朽乘時啟蟄煩整把精氣絕特
甯久晦枯枿豈必輸英華當今賈胡市瑰異臭腐往往神
奇誇負趨有力我卻慮破壁或恐飛衙衙敕告應眞杖錫
慎守衛毋使羅浮一夕流向東海涯

寄東初丈

游釣童時跡可尋停雲想歎欲彌襟良時庾信空文藻近

市梁鴻有遠心投老未忘溝壑志固窮自愛玉金音相期
頭白歸來日古調同彈石室琴

彭紹宗字印根一字櫟隱湘陰人光緒癸卯進士官度

支部主事

詩話印根通籍後於當世要政銳意研求不以文學
自圖使假以天年此才何減養知遺詩無多皆感事

作之

折檻行

陰糞六幕昏如織沈沈不醒日無色神珠辟霧犀辟塵冥
搜海嶽苦難得雄虺騰雲掉九首狎狎乳虎愁生翼白晝
縱橫狎罔兩帝關欲叩羌敢測砉然一擊晶宇開震爚精
光盪環蝕瑤花恣春渾爛縵天魔旋舞迷終極瀛壺火齊
木難多寶氣翻空燒成墨毛舉爬搔等閒事電掣霆飛迺

驚極蓋高屬耳真聰叡鑒訴蟻臣剖胸臆華蓋周遭拱衛
森四顧台衡離差忒昨聞王良鞭騎駟今見中臺朗司直
吁嗟邱貉百年身鐘漏紛纒亦云忒願彈柱後惠文冠袞
補都規仲山職

偶成

主聖臣斯直朝陽見一鳴淵冲虛海納戇摯懼天傾絕綺
鮫鮪貝銷春杜曲鶯光芒逼星象殷鯨始魂驚

立法先親貴危言倚諍臣匪躬憂獨切信道諒彌伸湛劍
留犀檻歐刀遲玉津正嗟如晦久不已曙將晨
肺腑關休戚然眉忘剝膚希求不龜藥空網大秦珠逆領
偏嬰怒移山未愈愚精誠動昭鑒瘖橋應慚吁

諫議邦之重酬知國士尊燒車纜僂僕折檻匪褫藩世變

今滋異神寒可具論台垣眞補闕妄擬撤嚴樊

黃文開字孝覺南海人光緒癸卯舉人官陸軍部郎中
送黃仲弢學士提學湖北先發日本

星軺東指輦相望喔喔天雞促曙光萬里中原隔消息九
洲稗海本荒唐詩書未厄秦皇火袴褶新更回紇裝忽憶
大唐貞觀事八千巾卷貢明堂

西風重食武昌魚夾道爭迎諭德車列郡山川天塹險渡
江人物浪淘餘伯牙臺迥秋花晚太白樓空夜月初高會
南皮問今昔未應閑散老尙書

賓洛游梁學道遲長安也見曳裾時媿同侯霸稱都講羸
得孫卿是老師西北浮雲虛俛仰東南搔首幾踟躕悠悠
江漢休相憶各有千秋與後期

陳士廉原名士芑字翼牟湘鄉人光緒癸卯舉人官郵

傳部主事

詩話翼牟通經學古著有黃學廬雜記詩亦典雅

春日雜詩

被髮翩然下大荒黃塵四塞日生芒
人間歷盡無量劫億萬千年心不殤

痛哭陳書累萬言蘭呻蕙歎訴煩冤
君王愛老臣年少合託湘流弔屈原

偶控茅龍謁紫微漢家故事已全非
羊頭爛賤通侯貴願借天錢十萬歸

璇機玉杼日紛紛爭向天孫乞錦雯
新絡冰絲千萬縷可能持贈沈休文

七寶莊嚴妙道參勅書初拜紫囊函准王何意私雞犬得
附青雲自不凡

濁世翩翩署雁銜珠冠玉佩兩當衫而今始識優旃樂舞
罷回波奏阮咸

施景舜字虞琴睢州人光緒癸卯舉人有松心堂詩鈔
思家

蟋蟀鳴四壁落葉掩柴扉空房生暮愁王孫歸不歸晨起
望南天悠然一雁飛

秋日臥病

秋雲漠漠壓天低秋風秋雨苦淒淒病人枕上不成寐落
葉空庭絡繹嘯

陳毅字詒重號郁廬湘鄉人光緒甲辰進士歷官郵傳

部參議有郇廬詩文集

詩話郇廬爲舫仙方伯孫受業於葵園祭酒好學深思窮年述造以標榜爲恥著有墨子注疏荀子集解補音書地理志補注魏書官氏志疏證隋書經籍志補遺十六國雜傳詩皆未刊詩宗老杜兼工倚聲法歐陽二晏從不示人

題銅官感舊圖

百戰中原血江山一敝袍艱難軍國計生死布衣交道以
相知重功爲不賞高成同諸將在專閫各旌旄
日暮銅官渚蘆花瑟瑟秋驚心思往事援手出神州白水
猶殘壘蒼生已百憂撫今看此卷欲濟幾同舟

哭長沙張文達公

濟亂無長策憂疑日萬端民愚重貧弱文勝轉艱難蜀洛
非師說權衡有學官祇今遺疏在語語見心肝

國計兼身世梯航遂至今量官明主術養士老臣心譴及
恩彌厚名高謗轉深不勝東首意流涕答綸音

初見晴川道方迴使者車平生知已分一紙議邊書壬寅

俄日相持未發之際毅上書請簡重臣駐奉天備戰詞頗激烈公尤歎賞惻惻親朋盡看看意
氣疏門前興馬地春雨長蓬蘆

偶作

甯嬾方知憤終狂不自愚吾身竟何存斯意豈能無夜氣
枯禪得秋心健隼孤際天皆肅殺獨信北風蘇

中元祭後感書

客病存秋祭精誠豁此襟兒孫經亂長詩禮澤吾深猿鶴
誰家子雞犧自憚心終當際明感幸活儻思今

居亂曾聞訓艱難竟及身禱深思更雜心苦語多真脈脈

馨香徹飄飄氣志伸微茫如有觸隨地見君親

忠孝都資盜方知信史難逃名甯得已吞淚幾曾乾鼠殉
終無覺鵬跡且未安臨筵愧先志雖暑亦生寒

鄉味兵戈阻僑居祖福憑蓼莪終與廢薦芟亦難能莫靜
風前樹差傳暗裏鐙民生惟菽水識此足飛騰

王鴻旂字嘯龍又號无離閩縣人光緒甲辰進士歷官

郵傳部員外郎

詩話嘯龍博極羣書文筆恣肆寢饋於汪容甫龔定庵二家最深甲辰春闈張文達得其卷歎賞不置以余嘗與朝考閱卷亦執贊門下中年病廢憔悴以殫詩藁盈尺不免於貪多務博而珠光劍氣自有其不可磨滅者存

吾心四首寄姊丈郭春榆侍郎

吾心有菩提不披沙門緇吾心有坎離不餌商山芝跋跢

卧南樓午夢尋皇羲黃冠亦安適白雲聊自怡冷笑箇中
人逐鮑甘如飴鹿盧與桔槔各運機心機王城豈蜀道舉
足憂險巇童童滄海桑劫劫長安棊同類苦相搏力角場
上雞同根苦相煎火燃釜底萁鴉蚌忿一時利漁爾胡爲
嗟嗟造化兒顛倒良堪嗤豎子名竟成將軍數或奇顏天
盜跖壽侏飽方朔飢呱呱返饒狼甯復有子遺指點幕上
巢風雨爲之危十竈九不黔何心食肉麋西齠東亦墮何
處乞鄰醯任炫夷威容眞廬皆遵施譬彼嚼屠門畫餅終
貽譏

搔首問青天面面回風悲瞻馬吾其東毒龍蟠在泥挾策
從之西虎口張如箕欲唱鶴南飛大鳥能啄兒欲題知北
游當路橫靈龜日月天眼晴玉川曾有詩何以空明天驀

現千重翳或者天劉翁竟被白雀欺何怪蚩蚩氓朱顏變
爲黧

瓦縫居鳳凰居亦失其宜鐘鼓樂爰居樂亦匪所思熊魚
不同嗜鵠鷄甯同棲寸木生岑樓反誚喬松卑拳毛困鹽
車奚異黔驢疲君子困小知褒成豈予欺嗟彼近名人七
飢標殷遺首陽無薇蕨何粟餐夷齊箕畚謀子孫莫執愚
公迷冬夏食菱粟毋好厲叔奇浙米劍頭炊行矣休遲遲
吾心有天地寄託絃上絲高歌歸去來一廣柴桑辭

憤言

枚辭楛說問蜚蓬十九樞權表下中天上暮腸常蝕月世
間夔足幾憐風貧能知我大夫鮑熱肯因人童子鴻一棹
滄江自來去看人虎鼠看蛇龍

寄懷丁三叔疋吳二彥復

令威落魄走京師，次尾傷時老貴池。
戀戀故人寒至此，茫茫天道古如斯。
尊前賦鵬才華減，橋上聞鶻世變知。
燕市松壩一明月，相逢何日慰調飢。

兒時書味憶青鐙，生事清於蓮社僧。
太守曬禪知未免，將軍健飯老猶能。
女戎忍說唐開寶，黨籍長悲漢建興。
眼看江山靴踢倒，蔥蔥佳氣望諸陵。

山居雜感

莫爲觀棋代不平，離離草亦有枯榮。
得雌或霸陳芳國，化翼安歸舍衛城。
門外種篁堅晚節，欄前墜果約秋聲。
青衫青史成雙恨，老淚龍鍾送此生。

井水懷清信不波，秋江一蒂奈愁何。
家貧累重忙牛馬，市

近聲繁鬧鴨鵝漫道旄星銷象緯終期刀雨戩修羅切膚
痛癢誰能省任汝爬搔總隔靴

新春夜坐寄蓮庵

閒雲弄影傍柴扃心事如輪輾不停陰樹雪留經日白殘
梅燈照隔年青茫茫身世春歸夢落落朋交曙後星顛倒
可憐堪一笑坐偏思睡睡偏醒

車中口占

十旬十走京津道忙裏雲山眼倦看今日坐窗識清曠萬
林如醉一鵬盤

汪康年字穰卿錢塘人光緒甲辰進士官內閣中書

詩話穰卿博聞彊識有聲於時己丑鄉試受知於李
仲約侍郎目爲奇才甲午後痛心外侮與同志倡論
時務主變法自強雖放言遺忘操翰弗輟論稟盈篋
以畢其生窮老盡氣不之顧也詩殊少見蓋非其意

之所屬

送日本禾原次宮歸國

把盞將離日翻思執手初酒香當午月花氣襲輕裾瀟灑
如君少疏狂似我無平常畏言別今別復何如

和廣雅尙書兩湖書院晚集原韻

吾生嗜游眺登陟屐幾兩壓腦蘿葛捫胃足茨藜掌遇淖
時滅葭邁雨卽衣穰隆冬走荆楚方喜寫塵鞅密雪兆豐
稔宿澤蘇皋壤乘暮踏冰行旅懷一排蕩將作散工役鳴
鳴甫作響忽見折柬招攝衣厯階上燔魚苦勸酬談詭劇
復往執拂對逸民焚舟敵真長峭壁矜突兀長流爭瀆潑
尙書松鶴姿意度廓深廣圍鑪坐相對瑩若晶玉晃未如
楊朱釐已作田子儻大言慚覆瓶小言不滿盞投杯起循

廊且自窮物象凌堅魚戢鱗雪晶鶴失斃微痕露瓦稜餘
輝映門榜初月挂東檐娟娟照疏朗梅噤待春開石植要
雲養苦戀清逸景焉能周勝賞扶闌縱遠矚欲去意還強
露立意稍怯寒侵味轉爽歸路望江流繞郭如繩枉家山
不可見夜夢發遐想

何震彝字鬯威一字穆忞江陰人光緒甲辰進士官內

閣中書改道員有鞮芬室近詩

詩話鬯威爲秋葦中丞長子少承家學工駢體文其
詩初法唐人後宗北宋中年不祿所詣止此至足惜
也

感述

人言知名士往往不適用豈真如畫餅此意尤可痛諸葛
未出戶南陽甘抱甕淡泊兼甯靜或爲馭豎弄願酌魚水

歡禮遇抑何重種桑八百株廉約聊自奉魏武遺名香受
取作清供設邁主憂疑蕙艾同構訟小節原不論大義當
馭眾持此告細儒相望亦夢夢

吾性故方峭審直宜自許有時屈剛腸宛轉爲兒女俛視
九流人虛誕相夸詡闖茸必見全何爲好健舉臨財不審
度恣心任去取偶遭儕輩輕豪奪復誰予吳君重然諾一
劍酬死侶淮陰報漂母投金默無語朋僚肆往還忘形失
爾汝直諒或可親蒐瑣難與處

誦伯嚴近詩卻寄

詩墨摩空悍且堅不聞垂老減精專直追雪唱難賡續靜
葆冬心肯棄捐團扇風標閒處識丹爐火候定中圓苦憐
頑鈍無高詠江海羈遠敢浪傳

樓陰

樓陰晚望一忻然夕照微殷落酒邊倒吸山光分積潦碎
分殿影散諸天林間暗雨晴猶滴階次疏花墜更鮮爲語
城頭霜鬢叟承蜩抱甕亦多緣

春夜

密樹駐春色虛軒生夜涼主人恣幽討攜策離層堂流景
一何迅雲物森清蒼疏星入波碎殘霧蒙天長有懷不少
替晞晞夜未央重厓月痕匿空林煙絲香風景自爾殊淪
此荒遐鄉嘉客罕見存誰與傾壺觴

憶伯嚴南中

汲汲修途頻顧影悠悠息壤且徵疑清言郭象能爲累狂
態袁羊未是奇長欽吹來心止水塵冠彈出鬢成絲平生

微意趨江海終有才難淚盡時

哭丁叔雅

豐順公子囊無錢江湖亡命來幽燕承平雅尙不能改錦
衣玉貌非當年萬人如海且卜居不好結客仍收書高館
請回俗士駕門前長者容停車壁間懸有唐代琴自云價
值千黃金朱絃疏越一再鼓入耳全非時世音三月來爲
津上游投我一牘詩妍修恐負春明好花事小憇旋作還
京謀俯仰多故不稱意苦事留連忘歸計厭役精魂與世
牽早輕仕宦甘天棄昨聞人言捐館舍初聆使我殊疑訝
別有聲牙古性情或者荒儉工詛罵無隅忽至揮涕談會
羅佳俠俱脫驂詩工能窮且致死行將歸骨天之南泗州
節府園中筵胡牀同踞擁名篇嘉賓賢主相殂落我對滄

眞一泣然

日暮

日暮諦思無盡意萬緣搜取入懷來高名赫赫能爲禍薄
俗紛紛幾見哀蕃酒漉脣忘暑喝佛書遮眼積塵埃從渠
撥置人間事側枕酣眠息似雷

讀元遺山集

燕都文士能諧雅溢水高名一代間座上從容吟野菊更
無人道趙閒閒

曾得江湖盤辟樂風陰野色互霏微蓮招紅袖重城山僕
射陂頭薄醉歸

希顏投老帶吟身華屋高資入劫塵喜見雲山能動色崧
邱僵卧太愁人

橫波亭子壓飛流亡國哀絃激素秋幕府空悲青口帥攀
杯倚劍看神州

嚴復初名宗光字又陵一字幾道侯官人文科進士歷

官海軍一等參謀官有瘡野堂詩集

詩話幾道年十五以應試文字爲沈文肅所奇賞在
英肄業時郭筠仙侍郎方使英初引與論折中西學
術同異窮日夕弗休歸國後知世不能用遂壹志著
述所譯書以褒辭達奧旨風行海內每以信達雅三
字教人沈乙菴戲稱爲譯聖其少時師事同里黃宗
彝治經有家法好小學飲聞宋元明儒先學說熟於
周秦諸子及精西文學中外治術學理究極原委抉
其得失而會通之見於所著光緒辛丑後詩始稍稍
留彙問有記憶遺錄者甲辰出都江亭後別圖陳
滄趣題云城郭都非尚此亭西山偏向別杯青斯文
氣類關時會去國心情雜醉醒景武終應行賈策侯
劉差解問元經嗟予相對淝江夜挂眼簾霞已再星

過呂太微

涼月低高樹翛然懷呂安移燈過別館留客供盤餐雷雨

滌新暑庭階生暮寒遙知草元者獨有子雲難

論書

上蔡始變古中郎亦典型萬毫皆得力一綫獨中行抉石
掄猊爪奔泉溯驥程君看汜擘後更爲聽江聲
用古出新意顏徐下筆親細筋能入骨多肉正通神北宋
推能手東坡定後身如聞跛守駿妍貌不妨曠

哭林晚翠

相見及長別都來幾晝昏池荷清道暑叢桂遠招魂

余以戊戌

六月晝晚翠而晚翠以八月遇難

投分欣傾蓋沈寃痛覆盆不成扶輦弱

直是構恩怨憶昨皇臨極殷憂國命屯側身求輔弼痛哭
爲黎元大業方鴻造奇才各駿奔明堂收杞梓列辟貢璣
璠豈謂資羣策翻成罪莠言覺誠基近習禍已及親尊恫

悅移宮獄鳴呼養士恩人情方翕皆天意與偏反夫子南
州彥當時士論存一枝翹國秀三峽倒詞源薦剡能爲鶚
雄圖欲化鯤楊譚同御席江鄭盡華軒卿月輝東壁郎星
列井垣英奇相楮柱契合互攀援重譯風皆聳中興勢已
吞忽驚颺晚鳩容易刈芳蓀古有身臨穴今無市舉旛血
應漂地軸精定叫天關猶有深閨婦來從積德門撫絃哀
寡鵠分鏡泣孤鴛加劍思牽犬爭權遇償豚空聞矜庶獄
不得見傳爰投畀甯無日羣昏自不論浮休齊得喪憂患
塞乾坤上帝高難問中情久弗諉詩篇同乘杙異代得根
原莫更秦頭責休將朕舌捫橫流看處處只合老邱樊

古意

情重身難主淒涼石季倫明珠三百琲空換墜樓人

送沈濤園備兵淮揚

忠孝名家沈隱侯分巡弭節向揚州楹書庭訓皆成憲錦

纜牙旗得上游一約共傳支半壁

庚子東南互保之約君實發其議

三年

行見少全牛未能出餞成邂逅惟有離情逐水流

去年六月船南下直北關山未解圍滄海狂流橫莽莽晨

光前路遠微微相看白髮盈頭出長恐青山與願違垂涕

爲君通一語華亭千載鶴孤飛

尙憶垂髫十五時一篇大孝論能奇

同治丙寅侯官文肅公開船廠招子弟肄

業試題大孝終身慕父母不肖適丁外誰言後死無窮感

艱成論數百言以進公見之置冠其曹慚負先生遠到期得志當爲天下雨流年已似手中蒼春

申浦口春無際獨對繁花有所思

讀君詩卷長三歎他日遺山此代興開路驂騑氣深穩倚

天冰雪勢凌兢未應處陸長响
涇盡許同時得服膺不廢
教條仍坐嘯懸知獨有使君能

甲辰出都呈同里諸公

中國山川分兩戒南嶺奔騰趨左海東行欲盡未盡時盤
薄嶙峋作奇怪幔亭拔地九千尺一朵芙蓉倚天碧建溪
流域播七府未向鄰封分一滴江山如此人亦然學步羞
稱時世賢舊學沈沈抱根柢新知往往窮人天共道文章
世所驚誰信閩人恥爲名入門見嫉古來有黃鐘瓦釜皆
雷鳴憶昔戊己游京師朝班邑子牛尾稀即今多難需才
傑郭張陳沈皆奮飛孤山處士音琅琅阜袍演說常登堂
可憐一卷茶花女斷盡支那蕩子腸諸君且盡乘時樂酒
瓊詩鐘恣歡謔君知國有鶴乘軒何必驚心燕巢幕乾坤

整頓會有時報國孤忠天鑒之但恐河清不相待法輪欲
轉嗟吾衰自慚厚糈豢非才手版抽將歸去來頗擬盧岑
結精舍儻容桐瀨登釣臺長向江湖狎鷗鳥夢魂夜夜觚
稜繞豈獨登臨憶侍郎還應見月思京兆

懷呂開州

蓋代循良宰吾思呂太微臨財如觸熱好善怒朝飢至孝
神應泣論文瑟已希墓田今宿草黃鳥繞林飛

人才

人才鸚鵡能言日世事螿蟬換殼時如此風潮行未得老
夫掩淚看殘碁

見十二月初七日邸鈔作

自笑衰容異壯夫歲寒日暮且踟躕平生獻玉常遭別此

日聞韶本不圖豈有文章資黼黻敢從前後論王盧一流
將盡猶容汝青眼高歌見兩徒

弢菴巡撫山西用癸巳江鄉贈答韻

我公龍章兼鳳姿民望久屬天子毗中間卅年隱鄉里孝
友政外奚爲爲閩江上下兩聽水圖史花竹爭紛披成章
更與逮小子橫舍一一分級差帆風忽蹕萬千里親見蛟
鱷行踞夔僑流忠愛良未衰喁喁內向能撫誰歸來報告
千萬語讀者思卧聞者疑屬聞聖朝恫五典宣室作者重
受釐河東由來股肱郡陰暄待子開清曦用人行政枋未
墜願采荃蕙毋資施吁嗟平運當陽九想骨鯁何異伏暑
懷冰斯幸令可治勿鹵莽疾革盧扁猶庸醫

寫懷

明倫彙編 家範典 卷一百一十一
三

都來半世客幽燕老眼今看海變田失水蛟龍聊復爾偷
倉雀鼠故依然豈能徐邈隨通介浪說王尊乍佞賢閱盡
白衣轉蒼狗冰輪還作舊時圓

寄散原

已迴春雁數鱗魚目斷南雲少尺書可有園林成獨往儻
緣花月得相於江湖無地棲飢鳳朝暮何年了眾狙說與
閉門無已道去年詩句太勤渠

除夕意緒甚惡答陳石遺

鄉思如潮不可緘連牀何限語詰誦卽今除夕非佳節莫
向桃符署舊銜天下詩才衡左海君方爲故園勝處負櫻
巖買山未是巢由事江水猶應鑿至誠

寄蘇戡

江南一別今三載書到櫻花想未開李白世人皆欲殺陶
潛吾駕固難回詩應有子傳家學事去無端感霸才滿眼
瞻烏方靡止可能安穩卧淞隈

以漁洋精華錄寄琥唐山春榆侍郎有詩見述率賦
奉答

九陌風鳴塵堀堞南郭隱几今喪我長安作夢垂十年夢
想陽崎山一邏文書引睡睡復醒萬事不理任爛情河陽
宗伯今詞宗贈我新詩堪已瘴

見山海經
猶云愈瘴

爲言昭代錄詩

人疑讓新城居上座士林沾丐三百年蔣袁杭厲皆細瑣
平生結習覩文字揚摧新詩吾亦頗文章派別幾人存大
抵修辭禁淫詖李杜光芒萬丈長坡谷九天紛咳唾如星
五緯流四瀆議論欲到吾知叵請言在昔明中葉羣公模

擬或太過雖然法上幾得中要於風雅未爲左何來東澗
恣抨擊一錢不值同罵座漁洋崛起應新運如磨獨角推
一箇譬彼射者得正鵠稍嫌力薄愁官符文人相輕自古
然又被趙節紀曠加切磋降茲談藝徧湖海若箇解衣旁

薄羸西崑靡靡江西粗公安竟陵更么麼小子何莫學夫
詩敢問師資誰則可吾云要在士卓識一任紛拏眾口哆
斯文如女有正色豈事塗澤徒爲大橫空盤硬亦非難欲
爲排冪在貼妥取徑愛好似未害他日湘帆隨轉柁清新
俊逸殆天授著眼沈鬱兼頓挫雙丸頭上忽忽過風輪誰
挽蟻旋磨勿云衰叔少和聲三百篇皆發憤作能收一物
寄孤賞橫流亦足娛寒餓高歌青眼望後生比似螟蛉祝
果羸忽蒙佳什譽過庭語重情深誰敢荷君家自有謝超

宗池上鳳毛眾所賀

謂嘯麓世講

說詩用琥韻

昔者魯東家太息關雎亂紫色雜鼃聲何由辨真濫文章
一小技舊戒喪志玩泯泯俗塵中持是聊是浣譬彼萬斛
泉涸狀生微瀾奔雷驚電餘往往造平淡每懷古作者令
我出背汗光景隨世開不必唐宋判大抵論詩功天人各
分半詩中常有人對卷若可喚掄花示微旨悟者一笑粲
舉俗愛許渾吾已思熟爛

懷陽崎

不反陽崎廿載強李垞依舊掛斜陽鼇頭山好浮佳氣碣
角風微簇野航水鳥飛來還徑去黃梅香遠最難忘補園
數十株開時香聞里許何從更作菹鱸語東海如今已種
去冬余因病不獲賞之

桑

已未七夕

露輕河淡月弓彎佳節如今總等閒投老怕聽兒女事畢
生自著黠癡間淒涼舊約留釵鈿髣髴靈風響珮環雲錦
已歸韓吏部海槎載石是空還

避暑鼓山

老病難禁住火城今朝失喜作山行千層石磴經階級十
里松風管送迎潮落滄江沙出沒雲開巖岫月分明可憐
濟勝今無具笠屨輕甘載情

贈林畏廬

左海畸人林畏廬早年補柳徧西湖數莖白髮看沈陸無
限青山入畫圖儘有高詞媿漢始更搜重譯續虞初饒他

短後成齊俗佩玉居然利走趨

周蕃字昱宣號笠石湘鄉人舉人有碧衡館集

詩話昱宣少與同里李亦元齊名人稱李周顧亦元
好立崖岸與物多忤昱宣則和易近人翹翹如不足
乃俱佗條不得志以歿昱宣詩筆清麗好
爲古文詞使天假之年所詣殆不止是也

新柳

張緒丰神絕可憐六朝金粉散寒煙江南無限青青柳惟
有東風似往年

東湖行

洞庭始波木葉零岳陽正對君山青疊浪浮天天欲溼長
風不喚癡龍醒儂家青草湖邊住呼吸湖光閱朝暮出來
小小狎波濤煙艇空蒙自來去夫壻輕狂耐遠游無邊風
月替人愁空江夢落魚龍夜故國心傷鴻雁秋春流三月

漲桃花送君雙槳去天涯孤蘆一夜北風起那得狂夫忽
憶家秋來春去無消息依舊明湖蘸晴碧君跡真浮水上
萍儂心化爲山頭石浮萍化石不相當黃姑織女遙相望
生來不識關山路儂意遠隨江水長飄泊生涯何足惜葉
葉輕颿送行客未乘單舸逐鴟夷忍抱琵琶訴幽魄片席
遙轉磊石山湘靈髣髴開煙鬢重瞳翠華委寂寞至今淚
血猶斑斑縹緲湖雲餘古綠叢篠千年青一束儂今有淚
不輕彈恐染江頭萬竿竹一霎天風忽怒號潛蛟水兕紛
騰逃鮫人弄珠天爲泣長魚跋浪山齊搖况復顛狂吹急
雨白波如山未可渡生憎浦口惡石尤不阻征人去時路
君意不如湖水湛君情不如湖水深湖心深淺有時見君
心深淺愁人心

周曾錦字晉琦江蘇通州人光緒丙午優貢官浙江縣丞有藏天室詩

金滄江

澤榮

崧陽耆舊集題詞

麥秀哀歌唱未終又看箕域壞狂童書囊賸有刪詩筆一卷東音當國風

饒歌笳拍慨當慷樂府新聲亦擅場亡國不關詞賦事莫隨眾口病齊梁

登軍山用徐澹廬

鑿韻

平生愛山游腰腳不遑惜竭來登東峯一攬江天碧山中猿與鶴大半隸仙籍老樹拱揖人飛花笑迎客檻泉一何清淪茗吸雲液一坐憺忘歸千巖黯將夕驚風振天末落日逗雲隙回首望城闔人間何役役行當謝塵勞歸隱就

泉石君看冥冥鴻沒影寥天一

渡黃河宿小驛

小驛三間屋驅車薄暮過低窗延落月虛枕納長河輪鐵
消磨盡囊金耗散多西鄰有豪客轟飲雜酣歌

朱聯沅字芷青海鹽人大學堂畢業舉人學部七品小

京官

圍夜

剗地風埃夕夢沈彌天哀樂一燈深華年已負峻嶒骨皓
月微窺玉雪心了了餘生拚幾展茫茫塵劫繫千尋元知
憂國非吾事忍淚還搜漆室吟

睡起

稍從寂寞養天真睡起怡然一欠伸祕笈偶箋清異錄頭

銜自署太平民微吟淺醉能中聖澹月疎筠最可人
池波索雙笑此懷惟有白鷗親

端陽後一日小集法喜龕寫上鞦韆芬

北秀南能證妙因樓禪法喜是天親
一龕花雨光明地著我修羅歷劫人

捉鼻微吟意惘然紅樓燈炮晚涼天
覆杯粗說揚州夢已換滄桑到酒邊

李遜字仲言秀山人譚學館畢業舉人

詩話仲言爲姚琴參議次子性孝友童年入學刻苦
自勵後治旁行文字勤過其曹編幾盒遺棄遇有疑
義輒就父執商定誠懇動人諱已刊成文未付梓病
革猶捲捲不置其自作詩文多不存稟歿後止得詩
數首

感事

彭師承詩集卷一十一
東北揚烽火，織兒啟疊年。籌邊資李牧，奉使重張騫。民命生誰恃，天驕禍未延。朔方言紀載，備乘有新編。

閔孫奭字元召江都人國立北京大學畢業文學士

詩話元召盛年績學著有說文段注摘例二陸年譜全上古三代秦漢三國六朝文作者韻編善書石鼓文詩亦清逸歿後其師順德黃暉周節哭以詩云風雪催元夜先成哭汝詩春銜寒不能賢暉晚離期體弱功多廢親勞語亦悲歲關相過說今日付哀辭

碧雲寺晴望

碧雲寺外碧雲浮，別怨何人擬惠休。雙澗爭鳴泉不息，眾山新沐雨全收。大都景物猶堪紀，亂世功名未可求。郊野西成欣有望，甘瓜朱李欲迎秋。

邀友人寓齋小集有作

閒庭雪後玉梅春，佳日招要孰主賓。十載鴻泥寄燕市，一

尊羊酪負吳蓴相生學佛能無欲大子董子吟詩若有神小逸
安得普天休戰伐吾儕長作太平人

黑龍潭

數家村舍黑龍潭行藥重來路已諳松影泉聲兩清絕買
鄰我欲結茅菴

晚晴移詩匯卷一百八十二終